

瓊山縣志

瓊山縣官師志目錄

宦績

漢

路博德

楊僕

孫豹

馬援

僮尹

三國吳

聶友

陸凱

隋

譙國夫人馮洗氏

唐

韓瑗

宋慶禮

杜佑

瓊山縣志

卷二十三

官師目錄

一

李復初

韋執誼

趙昌

李德裕

張鵬

宋

周仁浚

李崇矩

張岐

宋守之

杜杞

陳堯叟

胡則

李思純

李時亮

朱初平

張頡

蘇軾

周因

古革

郭煜

郭汝賢

張書言

虞沆

李諤

吳羣

鄧酢

韓璧

王介

崔與之

王沂之

廖叔政

蔣科

蔡齊基

張應科

趙與珞

元

朱國寶

潤里吉思

雲從龍

烏古孫澤

按攤蒙古怯烈氏也

拜都

呂琬

范惇

王英

馬合謨

游宏道

明

廖永忠

朱亮祖

孫安

華高

宋希顏

李思迪

趙瑁

陳槩

吳德用

瓊山縣志

卷二十三

官師目錄

二

劉仕貺

蔡玉

翟興

桑昭

趙謙

孫岳

陳永彰

張恕

柴英

王伯貞

楊義

陶英

王器

左澄

徐鑑

王孟暉

詹冕

朱珪

揭稽

徐瑄

蔡浩

李田

涂裴

潘蕃

瞿俊

劉纓

宋端儀

方良永

吳元

袁鎬

毛銳

湛鉞

王琥

王倬

方向

歐陽傳

謝廷瑞

毛鵬

胡訓

陳瑶

莊啟愚

周延

游璉

商大節

程鑑

陳圭

沈希儀

俞大猷

周大禮

史朝宜

顧可久

沈應龍

趙昊

張峻

楊子充

蕭端升

張子宏

陳茂義

胡永成

程默

高卓

汪宣

崇昇

劉鶴齡

吳邦俊

周思久

瓊山縣志

卷二十三

官師目錄

三

許孚遠

周希賢

馬宗魯

林志

魏成忠

林如楚

舒大猷

蔡夢說

姚履素

汪起鳳

薛夢雷

李多見

翁汝遇

吳廷雲

倪棟

吳錢

萬煜

高維岳

陳韶

吳俸

曹學蘇

戚大勳

韓鳴金

吳良弼

龔漢臣

陳應禮

梁尙道

旦起元

清

林嗣環

何澄

邱象升

金光房

干覺世

朱宏祚

張仲德

李華之

張萬言

吳啟爵

翁嵩年

賈棠

王贊

關必登

焦映漢

王暮

勞翀

孫起範

林文英

沈澄

王安國

宗思聖

潘思榘

楊宗秉

王錦

黃紹統

蔡共武

邱殿章

言尙煒

朱榮

李景沆

費丙章

周鳴鑾

瓊山縣志

卷二十三

官師目錄

四

喻溥

劉斯增

李文烜

呂銓

載肇辰

馮端本

張之洞

朱采

楊文駿

馮光遙

劉尚倫

俞鍾穎

瓊山縣志卷之二十三

官師志一元宦績 明 漢 清 三國 吳 隋 唐 宋

漢

路博德西河平周人初為右北平太守元狩四年以功封邳離侯遷衛尉元鼎五年南越叛乃以博德為伏波將軍同楊僕往討之師分五路博德次於桂陽下湟水與僕會番禺粵素聞伏波名皆降於博德黃通志 呂嘉建德與其屬數百人亡入海伏波因問所得降者以知呂嘉所之遣人追之史記傳 尉六年十月得呂嘉首遂定越地以為南海蒼梧鬱林合浦交阯九真日南珠崖

瓊山縣志

卷之二十三

官師一宦績

一

儋耳郡

漢書武帝紀

論功博德仍舊侯惟益封六百

戶今連州湟水上有伏波將軍廟蓋報功也

郝通

志 南越自三代不曾有秦雖遠通置吏旋復為

彝邳離始開九郡

蘇軾伏波廟記

宋宣和中詔封忠烈

王李綱威武廟記 祀名宦

楊僕宜陽人以千夫為吏稍遷至主爵都尉列為

九卿及伐南越又拜為樓船將軍以推鋒却敵

有功元鼎六年三月乙酉封將梁侯

黃通志

祀名

宦

孫豹會稽人父幸武帝末為珠崖太守調廣幅布獻之蠻不堪役遂攻郡殺幸於是豹合率善人

還復破之自領郡事討擊餘黨連年乃平豹遣使封還印綬上書言狀制詔卽以豹爲珠崖太守威政大行獻命歲至

黃通志○調廣幅布謂取而增其幅也漢志

大人輪布一疋小目二丈謂之寶布則此恐卽寶布而幸廣其幅耳○阮志按率善官名漢晉

時西南夷及南蠻皆置善長

率善人者率善長所率之衆也

祀名宦

馬援字文淵扶風茂陵人也輔光武中興爲虎賁中卽將建武十七年交阯女子徵側與女弟徵貳反寇畧嶺外六十餘城於是璽書拜援伏波將軍遂緣海而進隨山刊道千餘里十八年軍至浪泊山上與賊戰大破之明年正月斬徵側徵貳傳首洛陽封援爲新息侯進擊餘黨嶠南

瓊山縣志

卷二十二

官師一宦績

二

悉平立銅柱爲漢之極界往來南海撫定珠崖調立城郭置井邑立珠崖縣二十年秋振旅還京師

黃通志

時世祖初平天下民勞厭兵方閉玉關謝西域况南荒何足以辱王師非新息苦戰則九郡左袵至今矣

蘇軾伏波廟記

宋宣和中詔封佑順王

李綱威武廟記

後雷瓊二郡多祀路博德及援爲伏波將軍祠迄今不廢

郝通志

祀名宦

僮尹丹陽人舉孝廉爲卽需次京師永平十七年春二月儋耳慕義貢獻是時甘露頻降樹枝內附公卿百官皆以爲祥瑞顯應徵在遠人乃集朝堂稱觴上壽適張純子奮襲武始侯來朝亦

與焉尹從奮引見便殿應對合旨顯宗奇尹才  
美因拜尹儋耳大守尹至郡敷政未久下詔擢  
爲交阯刺史還至珠崖戒勅官吏毋貪珍賂勸  
諭其民毋鏹面頰以自別於尙俚雕題之習自  
是日變逮初中以尹能匡俗信民厚加賞賜遷  
武陵太守

黃通

祀名宦

三國吳

聶友字文悌豫章人也少以才諳錄爲縣吏虞翻  
與語而奇焉至都諸葛恪遂與友善孫權將圖  
珠崖恪薦友爲珠崖太守詔加友將軍與校尉  
陸凱同往執馘奏捷留友治之友慮師久致疫

瓊山縣志

卷二十二

官師一宦績

三

簡其精銳自衛餘先遣還權大悅徵爲丹陽太

守

黃通

祀名宦

陸凱字敬風吳郡人丞相遜族子赤烏中除儋耳  
太守同將軍聶友討珠崖斬獲有功遷建武校  
尉拜偏將軍封都鄉侯孫皓立累遷左丞相建  
衡元年疾篤皓遣人問所欲言凱陳樓元賀邵  
張悌滕脩及族弟喜抗皆社稷之楨幹也後俱  
以忠節聞

同上

祀名宦

隋

譙國夫人馮洗氏北燕馮宏之後高涼太守馮寶  
之妻也幼賢明能行軍用師壓服諸越海南儋

耳歸附者千餘畧歐陽紇謀反夫人發兵拒境  
紇徒潰散以功封其子僕信都侯加平越中郎  
將轉石龍太守洗封石龍郡太夫人陳國亡隋  
文帝遣總管韋洸安撫嶺外夫人知陳亡集首  
領數千人盡日慟哭乃遣其孫魂率衆迎洸嶺  
南悉定表魂爲儀同三司贈寶爲廣州總管洗  
封譙國夫人開皇十一年番州總管趙訥貪虐  
諸俚獠多有亡叛敕委夫人招慰夫人親載詔  
書自稱使者歷十餘州宣述上意諭諸俚獠所  
至皆降文帝賜夫人臨振縣湯沐邑一千五百  
戶贈僕爲崖州總管平原郡公仁壽初譙國夫

瓊山縣志

卷二十二

官師一宦績

四

人卒諡曰誠敬夫人

北史譙國夫人傳

祀名宦

唐

韓瑗字伯玉京兆三原人仲良之子少負節行博  
學曉吏事畧遷黃門侍郎同中書門下三品高  
宗將立武氏廢王皇后幽之瑗再三力諫悲泣  
不能自勝帝大怒促令引出尋而尙書左僕射  
褚遂良復忤旨左授潭州都督瑗又上疏理之  
竟不見聽瑗憂憤表歸田里不報顯慶二年許  
敬忠李義府希武氏旨奏瑗與遂良潛謀不軌  
坐貶振州刺史至州謹默泣事踰年卒年五十  
四明年長孫無忌死義府等復奏瑗與無忌通

謀上遣使殺之既至瑗已死發棺驗視乃還神  
龍元年詔復瑗官爵黃通志祀名宦

宋慶禮洛州永平人舉明經授衛縣尉則天時遷  
大理評事充嶺南採訪使時崖振五州首領更  
相侵掠荒俗不安從前使者至輒苦瘴癘莫敢  
往慶禮躬至其境詢問風俗諭首領以大義皆  
釋讐相親州土於是安堵遂罷鎮兵五千人唐舊

書良吏傳 歷監察侍御史以習識邊事爲度支營田

使兼營州都督卒贈工部尚書慶禮爲政嚴而  
少私吏畏威不敢犯太常博士張星以奸巧自  
是諡曰專禮部員外郎張九齡申駁曰慶禮國

勞臣在邊陲三十年往城營州士纔數千無甲  
兵疆衛指期而往不失所慮遂罷海運收歲儲  
邊亭晏然其功可推不當醜諡改諡曰敬黃通志  
祀名宦

杜佑字君卿京兆杜陵人累官戶部侍郎叛度支  
建中初河朔用兵佑上議言救弊莫若省用省  
用則省官盧杞當國惡之出爲蘇州刺史改饒  
州俄遷御史大夫嶺南節度使佑至廣爲開大  
衢疏析廛閭以息火災珠崖黎氏三世保險不  
賓佑討平之召拜尚書右丞復相德宗年老以  
光祿大夫守太保致仕元和七年卒贈太傅諡

曰安簡佑資嗜學雖貴猶夜分讀書先是劉秩  
撫百家倣周六官法爲政典二十五篇佑以爲  
未盡因廣其闕參益新禮爲二百篇名曰通典  
奏之優詔嘉美儒者服其書約而詳爲人平易  
遜順與物不違忤天性精於吏職爲治不皦察  
其政行足稱云

黃通志

祀名宦

李復字初陽隴西人以廕累官容州刺史遷廣州  
刺史兼御史大夫嶺南節度觀察使勸導百姓  
令變茅屋爲瓦舍

舊唐書李嵩傳

瓊州久陷於蠻獠貞

元初復累遣使諭之仍遣兵剿其元惡五年收  
復瓊州因奏置瓊州都督府以撫綏其民疏言

瓊州本隸廣府管內乾封年山崗草賊反叛遂  
茲淪陷至今一百餘年臣令叛官姜孟京崖州  
刺史張少逸併力討除今已收復舊城且令降  
人權立城廂竊以瓊州控壓賊崗請昇爲下都  
督府加瓊崖振儋萬等五州招討遊奕使其崖  
州都督請停從之遂教民陶瓦爲屋以免颶風  
之患復曉於政道所在稱理徵拜宗正卿累加  
檢校尙書左僕射卒贈司空

黃通志

祀名宦

韋執誼京兆人幼有才進士及第對策異等授右  
拾遺順宗朝爲尙書右丞同中書門下平章事  
永貞元年憲宗受內禪坐王叔文黨貶崖州司

戶叅軍嘗攝郡事

按李肇國史補崖州差有其

文非若今時只

舊宰相謫外鮮留心政理執誼

臨民惟謹

黃通志

始未顯時不喜人言嶺南州縣

既為郎嘗詣職方觀圖至嶺南輒瞑目命左右

撤去及為相所坐堂有圖不就省既易旬試觀

之崖州圖也以為不祥惡之果貶死

新唐書本傳

因

家瓊山著有規譜貽後

蕭志

祀名宦

趙昌字洪祚天水人李承昭為昭義節度辟昌在

幕府貞元七年為虔州刺史屬安南都護為夷

獠所逐拜安南都護夷人率化十年因屋壞傷

脛懇疏乞還以檢校兵部郎中裴泰代之

舊唐書本

瓊山縣志

卷二十二

官師一宦績

七

傳入為翰林祭酒未幾安南州將逐裴泰德宗

召昌問狀時年踰七十占對精明帝奇之復拜

安南都護詔書至人相賀叛兵即定憲宗初立

詔加昌檢校戶部尚書遷嶺南節度使降輯陬

荒瓊管儋崖振萬安等州崗俚來歸為圖以獻

往來鯨海撫安備至夷寇無復侵掠瓊人尤德

之以勞徙節荆南召入再遷工部尚書兼大理

卿遷太子少保卒贈揚州大都督諡曰成

黃通志

祀名宦

李德裕字文饒真定贊皇人初為翰林學士凡詔

令典冊多出其手敬宗遊幸無常昵比小人視

朝月不再三德裕時爲浙西觀察使獻丹宸六箴優詔答之文宗己酉秋徵爲兵部侍郎庚戌十月轉西川節度使至鎮作籌邊樓圖蜀地形日詔習邊事者訪以險要未閱月皆若身歷乃練士卒葺保障積糧儲以備邊蜀人相安因索南詔所掠百姓得四十人辛亥十月吐蕃維州副使悉怛謀來降德裕遣兵八踞其城具狀上之下尙書省集議皆如德裕策上聽牛僧孺說不受事竟沮壬子十一月入爲兵部尙書癸丑二月進同平章事時朋黨愈盛邪正混淆未幾出爲山南西道節度使自陳願留又爲兵部尙

書尋復爲鎮海節度使庚申九月又爲門下侍郎同平章事武宗癸亥四月德裕請討澤潞算無遺策功成加太尉贈爵衛國公丙寅三月宣宗即位朝罷謂左右曰適過我非太尉耶每顧我使我毛髮灑浙於是以德裕同平章事充荆南節度使執政白敏中竭力排之以爲太子少保分司尋貶潮州司馬戊辰九月再貶崖州司戶賈志大中三年正月方達珠崖郡十二月卒年六十三德裕以德業自負特達不羣好著書爲文獎善嫉惡位極台輔而讀書不輟雖倉皇顛沛之中猶留心著述雜序數十篇號曰窮愁志

阮通志 懿宗咸通元年冬十月拾遺劉業言德裕父子爲相歷著功績竄逐以來血屬將盡宜賜哀憫詔追復官爵贈左僕射賈志 祀名宦

張鵬饒州德興人宣宗日謂宰臣曰宜擇文武儒臣爲河南節度掌書記遂以鵬對引見於思政殿吐蕃賀繼部落犯邊堡鵬率數千騎敗之上嘉賜朱衣金魚懿宗立表爲瓊管五州招討使知瓊州軍州事甚有威惠被薦入爲羽林金吾二將軍屬蠻人渡瀘鵬疏溪洞請狀攻守備用尋拜嶺南西道節度使黃通志 祀名宦

宋

瓊山縣志

卷二十二

官師一宦績

九

周仁浚汝南人開寶間初平嶺南以仁浚知瓊州既至疏薦漢舊官駱崇璨等四人列上分知儋崖振萬安四州因俗而治綽有政績祀名宦黃通志

李崇矩字守則潞州上黨人太平興國中由邕貴潯賓橫欽六州都巡檢使移瓊崖儋萬四州都巡檢使麾下軍士咸憚於行崇矩盡出器皿金帛凡直數百萬悉分給之衆乃感慨黎賊擾動崇矩悉抵其尙穴撫慰以己財遺其酋長衆皆懷附在嶺南四五年恬不以炎荒嬰慮舊涉海多檣舟俟便風或旬餘或彌月崇矩往來皆一

口而渡未嘗留滯士卒僮僕隨在皆無恙代還拜右千牛衛上將軍端拱元年卒贈太尉諡元

靖黃通志祀名宦

張岐字邵卿崇安人眞宗朝以秘書丞知瓊州瓊俗悍樸牧守御得其道則歲時以香蠟魚果爲獻否則羣起爲盜岐鎮以清淨却饋獻民夷服其廉介其地多颶風能拔屋盛夏猶寒岐教以立屋之法稍免其患後倅曹州移瀛州黃通志祀名宦

宋守之不傳籍貫慶厯間知瓊州教諸生讀五經於先聖廟建尊儒閣暇日親爲講授置學田以

瓊山縣志

卷二十二

官師一宦績

十

資膏火由是州人始知好學郝通志祀名宦

杜杞字偉長京兆人慶厯中爲廣西轉運使時區希範寇破瓊州杞以計攻破之遂復瓊州因伏兵擒諸蠻寇六百餘人尋得希範醢之海南遂平終環慶經畧安撫使杞性強記博覽書傳通陰陽術數之學自言吾年四十六死矣未幾卒有奏議十二卷黃通志祀名宦

陳堯叟字唐文蜀之聞州人解褐光祿寺丞遷秘書丞再遷工部員外郎廣南西路轉運使先是歲調雷化高藤容白諸州兵使輦軍糧汎海給瓊州其兵不習水利率爲沉溺咸苦之海北岸

有遞角場正與瓊對伺風便一日可達與雷化  
高太平四州地水路接近堯叟因規度移四州  
民租米輸於場第令瓊州遣蠻兵具舟自領人  
以爲便代還加刑部員外郎充度支判官會撫  
水蠻酋殺使臣擾動命堯叟爲廣南東西兩路  
安撫使賜金紫遣之事平遷兵部拜主客郎中  
後拜右僕射卒贈侍中諡曰文忠黃通志 祀名宦  
胡則字子正婺州永康人以進士起家爲京西轉  
運使遷禮部郎中徙廣南西路轉運使有番舶  
遭風至瓊州且告食乏不能去則命貸錢三百  
萬吏白夷人狡詐又風波不可測則曰彼以忌

難投我可拒而不與耶已而償所代如期後徙  
杭州再遷兵部侍郎致仕卒黃通志 則喜交結尙  
風義丁謂貶崖州賓客隨散落獨則閒遣人至  
海上饋問如平日阮通志 祀名宦

李思純歸善人皇祐五年以三禮出身歷官朝奉  
郎知封州遷瓊州安撫使有遺愛於民士大夫

頌之阮通志

李時亮廣西博白人嘉祐中舉進士累官知廉州  
有治聲嘗獻平南十策及疏時政得失神宗嘉  
之官檢校散騎常侍御史大夫亮善屬文尤長  
於詩與陶弼賡和號李陶集黃通志 元豐中管帥

奏請頒賜書籍及修郡學創御書閣教士卓有政聲賈志祀名宦

朱初平爲體量安撫使元豐中海南四州軍稅籍殘缺吏多增損輒移稅入他戶代輸者類不能明瓊州昌化軍丁稅米歲移輸朱崖軍道遠民以爲苦至是用初平等議根括四州軍稅賦舊額存其正數二州丁稅米止令輸錢於珠崖軍自糴以便民瓊崖諸州如瓊山等縣感恩英由等場棚其地荒阻賣鹽不售類配抑衙前前後官此者或擅增鹽數煎鹽戶力不給有破產者元豐三年初平奏蠲鹽之不售者八約所賣數

瓊山縣志

卷二十二

官師一宦績

十二

定爲煎額以惠遠民

黃通志

祀名宦

張頡字仲舉其先金陵人徙鼎州桃源第進士累遷廣東轉運使徙廣西轉運使罷歸未幾以直集賢院進直龍圖閣知桂州時有獻言者謂海南黎人陳被蓋五崗酋首異時盛強且爲中國患今請出兵自効宜有以撫納之命頡處其事頡使一介往呼之出補以牙校詔問何賞之薄對曰荒徼蠻蜚無他覬得是足矣尋罷兵海外

訖無事

阮通志

蘇軾字子瞻眉州眉山人嘉祐二年進士累官禮部尙書兼端明殿翰林侍讀學士紹聖中忤章

惇蔡卞於是御史論軾掌內制日所作詞命譏  
斥先朝三貶至瓊州別駕昌化軍安置賈志到昌  
化軍謝表四月十七日奉被告命責授臣瓊州  
別駕昌化軍安置臣尋於當月十九日起離惠  
州至七月二日已至昌化軍訖者表見藝文昌化故  
儋耳地非人所居藥餌皆無有初僦官屋以居  
有司猶謂不可軾遂買地築屋宋史本傳寓城東之  
天慶觀結桄榔庵以居儋人運甓畚土助之賈志  
平生忠義耿介不容於朝自黃而惠由雷至儋  
冒風濤犯瘴癘留滯爲久然忠君愛國之心屢  
形章牘非人之所能也儋僻在海隅黎蜚雜處

獨與幼子過以翰墨琴書自娛閒以尋幽覽勝  
爲事有黎許二氏者日相親炙載酒過從問竒  
請益當是時人皆化之文學至今而盛郡守張  
中尤加禮敬爲築堂澗上以爲往來遊息之所  
名之曰載酒時復觴詠其間豈拘拘惟麩蘖是  
務哉殆託此以寄羈思耳在儋四年被召內遷  
徐智載酒堂記徽宗立移廉州改舒州練副使徙永州  
建中靖國元年卒於常州阮志通祀名宦

周因字興道浦城人紹聖四年進士除知瓊州民  
陳韜焚澄邁臨高二縣憲司議招降囚力爭不  
得後果再叛因討平之官至中大夫致仕阮志通

古革字仲通梅州人

應今嘉州

紹聖間進士教授瓊州

訓士不倦尙蠻多遣子弟受學會黎人叛郡檄

八尙布諭蠻俗素知敬革遂率服狀聞於朝擢

守潮州官至五品

阮通志

郭煜政和中知瓊州乞置澄邁西峯臨高定南兩

寨以搯阻俚人由是道路無梗時稱能吏也

黃通

志 祀名宦

郭汝賢字舜卿浦城人元符三年進士出知瓊州

黎蠻叛汝賢遣兵據要地前後掩獲降其酋海

上安堵以功增秩

阮通志

張書言番禺人元符三年進士及第初爲廣東市

瓊山縣志

卷二十二

官師一宦績

十四

舶提舉後遷朝議大夫瓊筦安撫大使所至皆

有惠政嘗立弓箭社不論家業高下戶出一人

乃自相推擇家資武藝爲衆所服者爲社頭次

爲社副有警卽率弓箭手以備戰尙俚畏之

阮通志

志

虞沆會稽人紹興二年知瓊州以瓊隔海洋民瘼

鮮得上達吏無顧忌民苦侵漁此歷代積弊乃

上請不口越昕仍乞敕監司按治重行責罰數

年之間積弊頓除民得安生

黃通志

祀名宦

李諤廣州番禺人建炎二年進士紹興間瓊管安

撫使時州城甚隘許益作亂郭外民居多被焚

掠諤乃築外羅城州人賴之郝通志 祀名宦

吳羣字無黨番禺人紹興壬戌進士以員外郎通

判瓊州郝通志作 時海盜竊發羣出俸資立城

堡以禦之尙黎爲亂羣單騎往諭遂輯兵歸耕  
先是李諤築外羅城羣至是加完整弭盜恤民  
政聲與諤埒瓊人歌之曰前有李君今見吳瓊  
管保障皆番禺民之父母邦之樞羣尤廉慎未  
嘗一介取於民終朝奉郎阮通志 祀名宦

鄧酢字賓禮始興人少穎悟紹興初詣闕上書召  
試授官知虔化縣權知梅州安撫瓊州親擒叛  
首戮之他尙俚望風震讐海南帖然除廣西運

瓊山縣志

卷二十二

官師一宦績

十五

判同上

韓璧粵之長樂人淳熙間爲瓊管帥出入阡陌勞  
來不倦期年化成黎人感慕願供田稅黃通志 嘗

修郡學朱子爲之記郝通志 祀名宦

王介保昌人慶元中瓊筦尙寇標掠鄉村逼城下  
介遂奮勇擣其前鋒卻之以功擢武德將軍御  
題賜旗云海外四州都安撫使阮通志

崔與之字正子增城人紹興四年進士授潯州司  
法參軍擢賓州軍州事特授廣西提點刑獄徧  
歷所部浮海巡朱崖秋毫無擾州縣而停車裁  
決獎廉劾貪風采凜然朱崖地產苦葢民或取

葉以代茗州郡征之歲五百緡瓊人以吉貝織  
爲衣衾工作皆婦人役之有至期年者棄稚遺  
老民尤苦之與之皆爲榜免其他利病罷行甚  
衆瓊人次其事爲海上澄清錄嶺海去天萬里  
用刑慘酷貪吏厲民乃疏爲十事一曰獄囚充  
斥之弊二曰鞠勘不法之弊三曰死囚冤枉之  
弊四曰贓物供攤之弊五曰戶長科役不均六  
曰弓手土軍騷擾七曰催科泛追八曰緝捕生  
事九曰奸猾健訟十曰州縣病民申諭而痛懲  
之高惟肖嘗刻之號嶺海便民榜宋史本傳廣舶趙  
汝楷亦見之服爲吏師熙寧免役之法獨不及

海外四州民破家相望與之議舉行未果以語  
顏幾幾守瓊遂行之嘗爲座右銘曰無以嗜慾  
殺身無以貨財殺子孫無以政事殺民無以學  
術殺天下後世年八十二薨阮通志祀名宦

王沂之字春伯晉江人以門廕歷官知新州有惠  
政帥瓊管卻例册錢貸民租卒於官阮通志

廖叔政字正臣晉江人慶元二年武舉歷興寧令  
瓊管寇作督捕有功復勦古縣獠寇臺闔上其  
功辟守吉陽改高州同上

蔣科字進之電白人寶祐丙辰進士爲瓊州教授  
篤志教養校文以器識爲先提學諗其才以持

己廉潔薦於朝秩滿擢儋之宜偷令撫輯黎崗  
教以詩書於聲利澹如也阮通志祀名宦

蔡齊基字夢傅連州人少篤學嘗著周易述解九  
卷預鄉薦嘉定八年爲瓊州戶錄瓊管安撫使  
趙善譚見其書大喜謄寫進於朝參政樓鑰報  
善譚書曰湟州有此文人瓊管有此僚屬王孫  
典遠藩而能取此書奏聞使行於世皆所罕見

也

阮通志連州列傳

張應科咸淳間瓊管安撫使祥興戊寅遣與王用  
攻雷州三戰皆不克用降於元應科誓死報國  
再決戰城下遂死於敵○按是歲宋之氣脉已

瓊山縣志

卷二十二

官師一宦績

十七

盡然續綱目書亡於己卯者以次春帝昺尙在  
故也瓊郡二使君應科死於夏與珞死於冬自  
是合州降没天下守臣無復有拒敵者豈不爲  
凜凜後凋之松栢哉張世傑傳乃謂應科死於  
丁丑誤矣黃通志祀名宦

趙與珞宋宗室咸淳初爲瓊管安撫使祥興元年  
秋元將阿里海涯畧地海外遣宣慰舊帥馬旺  
招降不聽率義勇謝明謝富冉安國黃之傑等  
兵禦白沙口極力死戰舟師不得登岸久之元  
將患焉冬十一月壬辰因購內應執與珞等以  
降謾罵不屈元將怒皆裂殺之與珞素有膽畧

海外諸蠻小國皆倚爲重既死由是四州縣及外蠻皆附於元

黃通志

祀名宦

元

朱國寶其先徐州人後徙寶抵世祀至元十六年遷定遠大將軍海北海南道宣慰使尋移海南四州宣慰使立官程更弊政訓兵息民具有條制南寧謝有奎負固不服國寶開示信義有奎感悟以其屬來歸於是黎民降者三千戶蠻崗降者三十所十八年破臨高蠻寇五百人招降居亥番毫銅鼓博吐桐油等十九崗遣步將韓旺率兵畧大黎密塘橫山誅首惡李實火其巢

瓊山縣志

卷二十二

官師一宦績

十八

生致大鐘小鐘諸部長十有八人加鎮國上將軍本道宣慰使都元帥二十年請益兵討占城詔以阿里海涯軍萬五千人應之供給軍餉事集而民不擾遷廣南西道宣慰使八覲帝慰勞之後子斌襲職累官海北海南道宣慰使都元

帥

黃通志

祀名宦

濶里吉思蒙古按刺反氏世祖朝榮祿大夫行湖廣平章至元二十八年將兵同陳謙亨討海南諸崗黎又明年平之曾建議立定安會同二縣萬全寨珠崖鄉校因召還以未收諸崗付元帥朱斌成功又見帝賜玉束帶金銀幣帛弓矢甲

胄及寶鈔鞍勒得旨還鎮黃通志 祀名宦

雲從龍字無心隴西人初爲管轄佐管帥馬撫機平崖賊陳明甫等有協贊功諸黎村崗多服之後爲海北海南道宣慰使撫綏有方復收亂黎陞廣東按察使累功至中書行省參知政事祀名宦

烏古孫澤字潤南臨潢人其先女眞烏古部因爲氏澤性剛毅讀書舉大畧一切求諸己不事章句才幹過人至元二十九年湖廣平章政事濶里吉思薦澤才堪將帥以行省員外郎從征海南黎人平軍還上功授廣南西道宣慰副使

瓊山縣志

卷二十二

官師一宦績

十九

七月爲廣西兩江道宣慰副使僉都元帥府事邊民賴之擢爲海北海南廉訪使阮通志

按攤蒙古怯烈氏也先不花子成宗朝襲長宿衛大德末有旨給七乘傳侍父於湖廣諸道憲司以其孝行聞拜中奉大夫海北海南道宣慰使海埭與安南占城諸夷接境海島生黎叛服不常按攤威望素著夷人悅服生黎王高等二十餘崗皆願輸貢稅在鎮期年以省親辭去黃通志 祀名宦

拜都延祐二年爲海北海南廉訪司副使崇重學校建三賢堂追徵欺騙學田錢七千餘緡有秉

道嫉邪之政三年又有趙珍來爲廉訪僉事平反獄訟民無冤滯與照磨范梈改創學宮政有可述焉天歷初又有賈煥字世甫大梁人爲廉訪使愛民厚俗嘗著勉學說以示士子皆深得憲體而又著意於學校作養云

黃通志

呂琬

賈志作呂統

字蒙甫冀寧人

賈志作汾州西河人

天歷二年

海北海南道廉訪僉事肅正風紀修築城池興學校厚風俗嘗按部於瓊以宣化敦俗爲先務有惠政於民至正初陞廉訪使再任卒於雷軍民挽柩悲哀以送之

黃通志

祀名宦

范梈字亨父一字德機清江人天姿穎異所誦讀

瓊山縣志

卷二十二

官師一宦績

二十一

輒記憶眈詩工文用力精深以朝臣薦爲翰林院編修擢海北海南道廉訪司照磨嘗錄囚於瓊巡歷遐僻不憚風波瘴癘所至興學教民雪理冤濯甚衆天歷二年授湖南嶺北道明年十月卒梈持身廉正居官不可干以私疏食飲水泊如也吳澄以道學自任少許可嘗曰若亨父可謂特立獨行之士矣爲文誌其墓以東漢諸君子擬之

黃通志

祀名宦

王英字邦傑益都人性剛果有大節膂力絕人元統元年授懷遠大將軍同知海北海南道宣慰使司事至元三年萬安軍賊吳海期等作亂聚

衆三千人英至賊皆就擒

阮通志

馬合謨字端卿回回人後至元三年爲海北海南道廉訪司副使廉介嚴明重農勸學夏旱禱雨令儒生齊戒集於文廟誦雲漢之詩告祝懇至卽日大雨時有中丞懿麟班謫居於瓊剝擾鹽場罔民殖貨合謨使人致言曰中丞得罪當闔門謝過豈可更爲不法以重累乎麟班聞之卽

日歛慎

阮通志

游宏道江右人至正間爲化州路通判廉而不苛九年海寇犯合浦逼瓊山宣司移檄瓊廉高化四郡以兵討之宏道承令出己資三萬緡貫銀

瓊山縣志

卷二十二

官師一宦績

二十一

幣購賞統領義士張友明等七百餘人海船數十艘會諸郡官兵追寇遇於海南澄邁石礮港時寇窮蹙以死戰先鋒張友明戰甚力俄而海南兵皆赴水走其寇乘勝四合諸官軍亦以走免惟宏道與石龍簿木孳飛廉州同知羅武德及先鋒張友明俱以戰死邦人哀慟墓祀之

黃通

志

明

廖永忠巢縣人洪武元年拜征南將軍帥舟師由海道取廣東諸部勅諭永忠等曰王者之師順天應人所以除暴亂解倒懸以慰民望朕昔平

定武昌荆湘諸郡皆望風歛附常遇春克贛州  
安南嶺南數郡邑相繼來歸此無他師出以律  
人心悅服故也今兩廣之地遠在南方彼此割  
據民困久矣定亂安民正在今口若先遣人入  
宣布威德以招徠之必有歸歛迎降者慎勿殺  
掠阻向化之心且廣東要路惟在廣州廣州既  
下則循海州郡可傳檄而定海南海北以次招  
徠肅清南服在此一舉永忠發書諭元左丞何  
眞曉譬利害眞奉表降馳諭九眞日南珠崖儋  
耳三十餘城皆納印請吏兩廣悉平阮通志 祀名  
宦

瓊山縣志

卷二十二

官師一宦績

二十二

朱亮祖六安人洪武元年爲征南副將軍與廖永  
忠帥舟師取廣東四月奉詔諭諸郡縣二年師  
搗雷州威聲所至黎民歛服樂會小踢崙長王  
官泰頓兵不散軍抵其地獲之還瓊撫民除暴  
安集歸附恩威大布海外輯寧爵永嘉侯賈志 祀  
名宦

孫安浙江處州人廣東衛指揮僉事洪武二年偕  
高郵千戶周旺百戶吳成等分司海南開設衛  
所奏展城池請陞瓊州爲府同

華高江南含山縣人初以舟師從征累官湖廣行  
省平章政事封廣德侯洪武三年擇熟練水戰

總兵往循撫廣東高自請行遂命之以往四年  
巡海南城池還至瓊州卒訃聞上憫其無子以  
鐵券納之墓中贈巢國公謚武壯黃通志

宋希顏字子淵高郵人以元故官舉用洪武二年  
授瓊州知州領印開治三年陞州爲府擢知府  
事廉平有善政遷郡署建學宮規模宏遠民樂  
其役蕭志逾年欽錄去任士民思之黃通志祀名宦

李思迪濟南人元進士遇亂晦處田野洪武初召  
起任起居注累官山東參政四年謫宰瓊山學  
博才傑廉明勤恪一應創置舉皆中度革奸貪  
毀淫祠弊極事繁辦理無虛日公餘輒歌詠自

瓊山縣志

卷二十二

官師一宦績

二十三

號海濱子因以名集蔡微序之後召回累官尙

書黃通志祀名宦

趙瑁宜陽人博學洽聞洪武初由儒士授河南府

訓導賈志十五年陞瓊州府知府釐革宿弊吏民

畏服召爲左春坊左諭德累官至吏部尙書蕭志

祀名宦

陳槩字丕量北平人洪武初由吳川縣丞陞知瓊  
山縣治民養士政教亞於李思迪九年自坡院  
遷縣學於南郊規制皆其經畫黃通志

吳德用沙縣人洪武十八年由通經秀才任瓊州  
府爲政和易利澤及民黃通志五指山黎人反側

時出殺人以兵捕之則匿於深林密箐間設伏  
弩誤蹈其機輒爲所傷斃德用諭以威德遂解  
散去終其任無滋擾云

阮通志

祀名宦

劉仕貺字伯貞安福人洪武初以供役爲安福丞  
張禧所辱仕貺益憤力學廩所居室曰悠然晨  
夕讀書其中十五年應賢良舉對策稱旨授廣  
東按察司僉事分司瓊州瓊在海外民夷錯居  
俗獷悍不可繩以法且善蠱上官至輒致所產  
珍貨爲贄受則喜不受則懼按治蠱殺之仕瓊  
者多爲所汙仕貺廉且惠輕徭理枉大得民和  
雖却其贄夷人不忍害也時張禧適調瓊山丞

瓊山縣志

卷二十二

官師一宦績

二十四

以屬吏謁大慚怖仕貺待之與他吏等

阮通志

蔡玉和州人洪武十二年由長沙衛揮僉調海南  
衛開展城池創立營房建演武亭革酷政恤軍  
士惠愛及民

蕭志

翟興徐州人或曰虞城人由金吾前衛千戶陞海  
南衛僉事洪武十五年征獨州洋賊擒鍾奴歐  
等並船六十隻二十一年征瀧水有功二十三  
年倭寇海口生擒之追獲其船後陞廣東都指  
揮僉事卒於官子彝襲祀名宦

桑昭無爲州人洪武十七年山金吾前衛揮僉掌  
海南衛印歷十年愛軍恤民創建清瀾昌化海

口三所尊崇學校有司請易東西營地爲學宮  
慨然予之祀名宦俱同上

趙謙字撝謙一字古則餘姚人博洽經史世稱考  
古先生洪武二十五年山國子典簿謫任瓊山  
教諭黃通志解縉爲文送之有曰教官聖人之木

鐸也吾當賀聖人於南海之濱又增一木鐸矣  
其爲時所推重如此謙旣至慨然以興起斯文  
爲亡任阮通志造就後進一時士類翕然從之文  
風丕變守令爲築考古臺於學右以爲著作之  
所尤精六書之學著聲音文字通造化經綸圖  
學範歷代譜讚等書黃通志從之遊者多爲名世

瓊山縣志

卷二十二

官師一宦績

二十五

大儒二十八年卒於官後侍郎唐胄作墓誌祀

名宦蕭志

孫岳鳳陽人洪武初以勲舊任本衛鎮撫從學趙  
考古機謀智勇而廉靜有守始終如一同上

陳永彰廬陵人洪武三十年由學博經明任瓊山  
知縣寬厚愛民廉能多幹才修復濱壅汙岸及  
梁陳陂永樂初以憂去民咸思之黃通志

張恕鳳陽人洪武初以父勲任山西護衛揮僉陞  
同知調海南衛敦篤謙和涉獵子史永樂五年  
征潯州等處十六年督築南山新城祀名宦蕭志

柴英字仲實曹縣人以父裕歸太祖有功洪武乙

亥擢英海南衛揮僉寬厚愛人善於撫御剗弊興利人皆便焉黎寇王瓶擾澄邁剿平之既三年授明威將軍廣東瀕海寇常出沒英嚴飭訓練寇不敢近海道幾萬里其民安生樂業英之惠也後卒於潮州海門將士莫不垂涕相與具棺殮昇歸其喪海南軍民咸奔走弔哭

獻徵錄

王伯貞名泰以字行江南泰和人洪武十五年以應聘詔試經學時務上親擢第一授廣東按察司僉事分巡海康問民疾苦除害興利召還爲工部主事尋以憂去坐過期謫舒城復薦擢瓊州守民聞喜曰是嘗巡海康能興利便民者必

能惠我至則以平易寬厚爲政吏民安之先是崖州崙黎以私怨相讐殺府衛利漁獵欲加兵伯貞執不可曰果勢張盛今幾數月城當連陷而隣境尙得晏然阻兵不行廉知寧遠丞黃童可任事命往察之還報如所言致爲首數人檻送京黎得無事老幼感泣曰微公吾屬魚肉矣

黃通志

永樂二年大旱禱之立雨民皆鼓舞曰太守雨在郡十五年辟田野興學校政教大行時瓊田歲常三穫以賦軍軍不時受俟民乏而斂急則因之以要利伯貞爲立期三輸之而弊絕流民相率來歸者萬三千餘口以內艱去士庶

泣送之粵東語賢守稱最云賈志所著有瓊州集  
正統中以子直貴贈吏部尚書黃通志祀名宦

楊義定遠人以父勲襲河南衛指揮同知陞指揮  
使永樂間調海南衛多謀有守軍民畏愛賈志祀  
名宦

陶英巴縣人爲留守後衛中所百戶有姊病癱英  
調昌化扶姊同來凡越山登舟皆英親負之姊  
心不安因渡江自溺英入水救之舟人急拯幸  
得兩活至瓊任奉養如母賈志祀名宦

王器字汝器吳江人永樂初任廣州通判爲政疾  
惡如仇凡所施措民不忍欺以廉能稱陞知本

瓊山縣志

卷二十二

官師一宦績

二十七

府丁憂服除改知瓊州廉謹有爲政聲益著黃通志

左澄字世瑄南城人永樂戊戌進士歷官御史出  
爲廣東左參議清理軍務姦僞莫售常抵瓊崖  
招諭黎徭悉聽約束秩滿進階大中大夫阮通志

徐鑑字子明宜興人宣德間以戶部郎中奉敕守  
瓊廉靜寡慾孜孜愛民爲政簡易大率以勸化  
爲主不事刑法文案有古循吏風節財用貸逋  
負教民樹藝興學課士郡多異產中使阮韋馮  
三人歲來索擾見鑑嚴正不可犯且爲上屬任  
稍斂戢繼有三人踵至凡非所當索限有司弗

與及行所部輒遣騎從之俾不得肆軍官利黎  
產多啟釁以邀賄鑑鎮以無事皆安堵不爲變  
黎俗病不服藥惟殺牛祭鬼至鬻子女爲禳禱  
費鑑以佛老雖非正然不害物命猶善於此乃  
許鉅室修飾寺觀以移積習自是有病者不殺  
牛而民用稍紓黃通志在瓊四年一郡治安宣德  
癸丑秋卒百姓巷哭家祭柩還送者填海濱宏  
治初以孫溥貴贈禮部尙書兼文淵閣大學士  
賈志祀名宦

王孟暉諸暨人由秀才知泗州陞鞏昌守以口謗  
降瓊州同知廉能顯著政事赫然黃通志祀名宦

瓊山縣志

卷二十二

官師一宦績

二十八

詹冕鄱陽人正統間同知瓊州爲政寬猛得宜郡  
邑稱便考滿擢工部郎中轉廣東布政司右參

政黃通志祀名宦

朱珪福建閩縣舉人正統間任澄邁教諭嚴條約  
勵士氣師道以尊擢府學教授蕭志

揭稽建昌人景泰二年以侍郎巡撫至瓊掃除貪  
墨黎民如解倒懸祀名宦賈志

徐瑄字子敬嘉定人正統戊午解元第進士授監  
察御史景泰七年出按廣東廉明有威人莫能  
窺其際巡歷所至惟以廩粟易蔬肉而已渡海  
駐瓊履人所憚擒治奸貪峒黎悅服後擢僉都

御史阮通志

蔡浩字叔清龍溪人成化初由御史陞守瓊州廉明務大體治民如治家惟玩法怙終者則必不貸時嶺南多災異適海南地震衆視爲常浩曰地方災異此守土者不能承宣德意所致匿勿告罪也竟奏聞頒行十府匿災者多慙色衆服其識未幾卒於官妻子淡泊如初至時闔郡悲之黃通志祀名宦

李田字舜耕嘉魚人景泰甲戌進士歷戶部郎中擢廣東右參議累遷副都御史阮通志

涂棐字伯輔江西豐城進士任廣東按察副使奉

瓊山縣志

卷二十二

官師一宦績

二十九

敕整飭兵備自棐始修學宮崇儒術舉墜興廢民黎懷其德至今尚黎稱涂公明史藁成化辛卯

奉璽書來按於瓊政肅風清百蠹以消百廢以舉民用安輯觀於射圃思闢而新之不欲勞民乃自爲措置材選其良甓選其堅工選其能法制備具誠可耦進退比禮樂而施弧矢矣又自損益大射鄉射之禮注爲射儀一通俾諸生習而射之瓊士大夫觀者聽者莫不欣然頌其能宣德意以翼文化也邢宥瓊州射圃記以明倫堂前逼

文廟乃退立於書樓基上前置亭豎大方碑隸刻朱子詩範銅祭器黃通志下車之初未遑他務

首市銅鳩工博攷古圖像按其制製之其爲器  
爵鋤登尊籩豆簠簋凡三百九十有三事費一  
出於官而民弗與知昔衛靈公問陳孔子對以  
軍旅未學而欲告以俎豆之事今奉命以治軍  
旅顧汲汲以俎豆爲先盖有得聖人微意於千  
載下者非但紀其成具其數也而其設施先後  
之序亦可概見於斯云

邱濬府學  
祭器記

潘蕃字廷芳嘉興崇德縣人成化二年進士累官  
右都御史總督兩廣黎寇符南蛇肆禍海南聚  
衆號數萬蕃令副使胡富覘得其情調狼土兵  
討斬之平賊巢千二百餘所獲首酋磔於市論

瓊山縣志

卷二十二

官師一宦績

三十

功進左都御史

阮通志

瞿俊字世用江南常熟人成化亡丑進士宏治四  
年由御史權副使備兵海南廉潔自持先是黎  
人時出寇掠俊戒約羣吏修軍政諸黎賊不敢  
出嘗有貴臣家撓法俊治之不少徇縱鄉有巨  
室子謁俊於官俊飲食之慮其飢法命官傳送  
出境其律已嚴不可干以私後以病乞休圖書  
數卷而已

黃通志

祀名宦

劉纓字與清新淦人成化戊戌進士宏治辛亥巡  
按廣東時鎮守中官上言各堡俘獲幼男寄養  
軍士宜從宮刑給內用而實無其人比詔取之

則旋買良人子腐以充數腐者三百人斃者十五所須尙千人方買之海南纓聞急渡海抵瓊崖諸屬覈實馳還則所司部五百人方檣舟待處纓丞下守巡官驗非俘獲卽日散遣於是其家感恩咸謂曰劉公實生汝汝後有嗣宜以劉姓氏之癸丑還朝累官南京刑部尙書阮通志卒年八十二

宋端儀字孔時莆田人成化時進士宏治九年擢提學僉事崇正學嚴考課教人必身先表率而痛抑浮誕竒險之習甄別造就一時號稱得士或問解元何在儀指鍾芳張世衡以對後衡果

瓊山縣志

卷二十二

官師一宦績

三十一

首薦芳次之蕭志瓊崖諸州遠在海島前此有九年僅一試者端儀未及五載兩涉鯨波巡撫嘉其勤疏乞旌擢而端儀以衝胃炎瘴病死遠近奔哭瓊士祀之仰止祠阮通志所著有通書解綱目凡例宋行朝錄莆陽廣左志羣書纂要詩傳考証等書祀名宦蕭志

方良永字壽卿莆田人宏治庚戌進士觀政戶部庚申擢廣東按察司僉事未數月瓊州黎賊符南蛇作亂衆至四萬守吏多棄城走良永慨然請行總督劉大夏檄攝海南兵備旣至宣布恩信欲招降之賊未卽聽命遂調防海兵捕之授

以方畧前後俘馘千餘人賊勢大挫旌有與良  
永異議者貪功輕進挫衄三府

惠之碣石雷之  
白鵠寨瓊之白

沙寨爲  
三府

乃濟師分道并八良永所統紀律嚴甚

廣右狼兵所過騷擾獨畏良永不敢犯居民安  
堵運奇制勝遂縛元兇及其餘黨悉平之計擒  
斬二千七百有奇御史或忌之欲分以失利罪  
時劉大夏八爲司馬嘆曰海南之功當以方僉  
事爲第一顧坐以罪邪白於上賜紵絲口裏其  
年海北道兵備缺吏部以良永有風力推補之  
良永歷二道行部所至皆令官屬籍記行李北  
還令啟篋視之以絕點汙巡按御史華璉首薦

瓊山縣志

卷二十二

官師一宦績

三十二

於朝以母老疏乞終養歸

阮通志

祀名宦

吳元南海舉人宏治初任瓊州府學教授行篤學  
優幾歷三考口升堂講授薰德造就者甚衆卒  
於官生徒聚送海門舟去延佇望之揮淚而返

郝通志

袁鎬字世京福建建陽人宏治間由國子生任府

推官折獄詳明罪人讐服會瓊缺守貳鎬攝理  
振紀綱除宿弊罪奸吏所部肅然卒於官

阮通志

毛銳襲封伏羌伯爲兩廣總兵宏治十五年統兵

平符南蛇號令嚴明所至大捷師旋之日一方

晏然

賈志

祀名宦時有都指揮錢璋馬義廉州指

揮楊彪均從征有功

蕭志

湛鉞廉州衛借職指揮使歷廣東都僉性英俊有文武才好賢禮士宏治間符南蛇叛領兵來援適賊大掠臨高縣時兵不滿三千衆有懼色鉞勇氣百倍率奇兵由間道遶賊後大破之擒斬以千計保全臨高儋州昌化圍威振十三州邑以兼程冒雨病卒軍民哀之臨高立祠祀焉

蕭志

王琥海南衛揮僉正德初督備清萬南三所令嚴約信每賊至輒挺身出敵七年征鷓鴣黎諸哨不前琥如期抵會所焚賊巢而還掌衛印裁革

瓊山縣志

卷二十二

官師一宦績

三十二

軍士借辦月錢公勻屯種及卒無以爲殯官爲給歛

蕭志

祀名宦

王倬字用檢太倉州人成化戊戌進士正德丁卯官瓊州兵備時新平符南蛇之亂生黎爲梗倬巡視多所俘獲贖還被擄男女若干人崖州千家村尤猖獗倬屢聲言討之而師不出忽乘其無備襲其巢穴大破之明日大戰又敗之斬獲甚衆分三大村爲小村以弱其勢奏隸守禦千戶所自是黎人不復反論者以爲奇功倬不以聞晉雲南按察使

阮通志

其後知州陳堯恩從民

之請建祠州西以祀之侍郎鍾芳爲之記

蕭志

祀

名宦

方向字與義桐城人成化十六年進士正德中以工科給事中知瓊州廉介有風裁歲旱變服徒行數十里禱雨輒應管珠池太監韋眷至郡橫索民間向禁不與眷亦少戢入覲時僕私市一珠索而投諸海

阮通志

祀名宦

歐陽傅字允弼馬平舉人正德間由天曹歷遷瓊州守在任三載祛奸析弊政和民安尤喜獎勵士類澤洽儒林去之日送者泣下

蕭志

謝廷瑞長樂人進士正德間守瓊涖官數載清約節儉廉公有威黎崗懾服四封安於衽席嘗疏

瓊山縣志

卷二十二

官師一宦績

三十四

裁冗官及陳經畫崗黎之策惜未盡舉行瓊人有遺憾焉

郝通志

祀名宦

毛鵬賀縣舉人正德六年授湖廣瀏陽知縣遷高州通判以捕盜功擢知儋州編高雷瓊三府均徭及議瓊屬里甲值錢軍需則例清豁儋州無徵米一千七百石有奇屢立平賊功遷雷州府同知進階從四品致仕歸壽七十

阮通志

胡訓字誨之南昌人宏治壬戌進士正德末擢廣東按察司副使飭兵於瓊瓊去廣城幾二千里且迫近諸蠻於是擇兵馬防要衝積芻糧行間諜綏百姓時黎賊爲害有司但議招撫訓曰不

可今之招無異昔之和卽下令諭以禍福不如  
令者殺無赦有羅活崗者尤兇黠訓議剿之以  
警衆選調官軍往不半月賊面縛降認糧入籍

阮通志

嘉靖二年誅賊符南蛇其從子崇仁文龍

聚黨讐殺諸黎陰助之訓復命儋州同知顧玠

撫之劇寇悉平

賈志

於是生熟黎人樂歸者衆州

縣村崗八戶版者以千計訓又謂黎人之劫殺  
皆由土舍之科斂土舍之科斂皆由有司之貪  
墨宜端本清源則不令自清矣又兼督學政訓  
士以行檢爲先文尙理致而下詞藻士執經問  
難無虛日在瓊數年視官屬如子弟愛百姓如

瓊山縣志

卷二十二

官師一宦績

三十五

家人瓊人至今慕之有遺愛碑

阮通志

祀名宦

陳瑤字仲華全州人任瓊州府同知初至適有崔  
寇之役督餉調度綽有餘裕署郡事力懲豪猾  
之害民者因刻辨疑事條審決申語名曰守瓊  
緒錄未幾致仕去士民保留之不可

蕭志

祀名宦

莊啟愚晉江貢生任府教授師道端嚴與諸生講

論不厭

賈志

周延宇南喬吉水人嘉靖癸未進士累官廣東參  
議撫安南征黎寇皆有功三遷廣東左布政使

歷兵部侍郎提督兩廣軍務

明史本傳

至則節冗費

杜倖功疏陳番舶交易之宜嚴罷瓊州萬州烏

石諸驛歲省數千金二廣又安遷南京吏部尙  
書阮通志

游璉字世重福建連江人正德辛未進士歷遷至  
海南兵備副使風采凜然嘉靖十三年沙灣居  
林崙酋黎佛二亂璉設策令指揮王守臣集兵  
分哨抵其巢獲佛二磔於市餘黨悉平瓊民德  
之祀名宦蕭志

商大節字孟堅安陞鍾祥人嘉靖癸未進士爲海  
北按察僉事性廉介諳權變辛丑征黎有功增  
秩賜金幣終副都御史黃通志

程鑑字本虛合肥人世襲指揮僉事博覽經籍史

瓊山縣志

卷二十二

官師一宦績

三十六

鑑諸書智勇過人嘉靖初累以戰功遷廣東都  
指揮僉事尋充左參將分守肇高廉雷後罷歸

粵大記嘉靖二十年陵崖黎亂提督蔡經起鑑往

守斬獲三千六百級功冠諸哨捷聞賞賚有加  
二十二年陞副總兵鎮粵西蕭志瓊人愛之咸惜

其去鑑爲將與廣右沈希儀齊名而文學過之

著有雪崖集郝通志

陳圭合肥人襲封平江伯以薦出鎮兩廣嘉靖二  
十五年安南范子儀等寇欽廉黎岐賊寇瓊崖  
相犄角圭移文安南諭以利害使縛子儀而急  
出兵攻黎岐黎岐勢孤敗遁圭能與士卒同甘

苦聞賊所在輒環甲先登深箐絕壑衝冒瘴毒無所避以故所向克捷在粵且十年殲諸小賊不可勝數

阮通志

沈希儀字唐佐貴縣人嗣世職爲奉議衛指揮使機警有膽畧屢立平賊功嘉靖二十六年進副總兵五指山熟黎素畏法供徭賦知州邵濬虐取之其酋那燕遂結崖州感恩昌化諸黎爲亂總督歐陽必進議并萬州陵水黎討之分兵五道希儀適病最後至謂必進曰萬州陵水黎未有黨惡之實奈何并誅樹敵莫若止三道必進從之希儀乃偕參將武鸞俞大猷等直入五指

瓊山縣志

卷二十二

官師一宦績

三十七

山下斬那燕及其黨五千四百有奇俘獲者五之一招降三千七百人捷聞進都督同知

明史本傳

俞大猷字志輔晉江人舉武進士歷官廣東署都指揮僉事征思平猺賊及安南范子儀等寇嘉靖二十八年征崖黎進右參將分守瓊州親按各崗推誠撫慰議立參將府遷設縣司屯所於羅活抱顯沙灣嶺脚古鎮州等處適倭寇閩浙撫按交章薦守浙去事竟寢後又平海寇汪直曾一本等官至榮祿大夫前軍都督府署都督

同知所著有正氣堂集黎圖說

蕭志

周大禮江南進士任兵備紀法嚴明接引士類以

轉移民風爲己任甫半載以憂去蕭志祀名宦

史朝宜字直之福建晉江人嘉靖癸丑進士初宰山陽縣歷陞知瓊州府靜鎮不苛嚴馭奸吏治行爲一時最尋擢廣東按察副使治兵海南時海氛猖獗朝宜布恩信更新威令內固岐黎歸附之心外革將吏玩愒之弊嚴飭兵防躬歷白沙清瀾各港海寇李茂吳平之屬聞風東遁民賴以安累官湖廣右布政使阮通志祀名宦

顧可久字與新江南無錫人歲在癸甲連第拜行人其後備兵瓊海以颶風瘴霧意不欲行少宰霍韜移書趣之不得已之官飭法振紀宣布威

瓊山縣志

卷二十二

官師一宦績

三十八

德黎民惴惴罔敢祀者閒乃按行諸郡周咨黎倭出没之處相其阨塞以籌備禦繪圖爲說瞭如指掌未幾羅活崙黎出劫爲盜按圖循蹟遂窮治之儋崖諸黎五十二部落聞風歛附境內恬然阮通志所著有在署讀禮溫陵虔州珠崖在

澗諸集獻徵錄

沈應龍字翔卿烏程人嘉靖間進士由刑部主事歷陞廣東布政司參政時有事安南應龍留心邊圉崖萬黎叛應龍言崖萬與瓊相去數百里止一兵備不足以辦合設參將於崖州參議於萬州專任責成協力共濟地方賴以安靜阮通志

趙昊鄞縣人嘉靖間以比部郎知瓊州政尙簡易  
民間詞訟多罷遣之清操自勗始終如一僚屬  
望風砥礪無復有貪墨者常言黎獠猶夫人也  
可以德化侍郎鍾芳深以爲然阮通志 祀名宦  
張峻吉水人領鄉薦嘉靖中守瓊州賦性嚴明勤  
於政事時征叛黎十萬之衆仰給於瓊峻調度  
有法民不知兵嘗刊四禮節要令民間習行建  
崇文書院以課多士凡可裨助元元砥礪風俗  
行之如恐不及舊制郡守入計屬邑之遺不下  
千金峻一無所受涖政六載其操愈堅與趙昊  
俱有清名而才能過之阮通志 祀名宦

瓊山縣志

卷二十二

官師一宦績

三十九

楊子充

舊志作克

字道遺福清人嘉靖甲午鄉薦第一

授泰和教諭歷陞瓊州府同知瓊處海外黎蠻  
雜處子充簡騎卒繕營堡練舟師賊徒屏息建  
文昌會同樂會三縣城池皆親定形勢嘗署府  
篆有賊與獄囚謀亂以計掩捕之巨族徭役多  
詭匿乃核丁產行攤平法瓊民稱便立祠以祀

阮通志

蕭端升字白階潮陽舉人先任新會教諭教人首  
定志向而要於用功之密論文章事業則曰本  
乎涵養論求放心則曰無如靜坐勇於任道接  
人以至誠學者稱爲自麓先生尋陞瓊州教授

以端士習變民風爲己任捐俸製祭器選試草  
談經課藝取考亭家禮及文莊儀節衷以亡意  
酌定四禮刊諭瓊士名曰諭瓊禮要民俗遵之

郝通志 祀名宦

張子宏廬陵人進士嘉靖間以部郎出知瓊州冲  
雅清約杜絕饋遺政尙寬厚持大體尤加意文  
學建丈廟立社學開拓府前街在瓊五載頌聲  
溢於諸郡後歷官至本省左布政瓊人思念不  
忘崇祀十賢祠又有蔣一鴻者南直人崇禎間  
知府創建東南門外月城並祀十賢祠盖亦有  
功德於民而後祀之也郝通志 今俱祀名宦

瓊山縣志

卷二十二

官師一宦績

四十

陳茂義字喻之慈谿人嘉靖進士授南工部主事  
陞廣東按察副使備兵瓊崖黎寇羅常那剛倡  
亂茂義航海勒兵擊破郎温柳根諸崗俘馘招  
降又慮夷獠雜居易生他變更條上入議爲善

後計阮通志

胡永成字思貞江西安福人嘉靖乙丑進士授涇  
縣知縣累官南雄知府政聲大著用薦擢廣東  
按察副使整飭瓊崖兵備時方有備黎之役永  
成曰凡有病吾民者卽黎也不此之責而但欲  
備黎黎將有辭矣且黎亦人也使吾有以處之  
彼自食其土烏庸絕矣於是籍墨吏效尤暨彊

宗怙勢者必抵於法人始知畏而名酋如那紅  
狗黃猪次第俱送欵尋卒於官

阮通志

程默字子木休寧人嘉靖乙酉舉明經卒業大學  
除廣州府同知值詔征安南兵興費鉅默從容  
調度民不知困甫至謁先聖畢倡言風俗波頹  
獄訟蝟興皆斯學不講之故亟請祀開府王陽  
明巡察御史以爲知大體特薦之黎負險憑陵  
瓊崖世爲害默建策乘勝畫五指山爲十字道  
分官據險錯居民其中徙黎於山外不數年且  
爲衣冠之域當事者不欲久駐兵遂中止士議

惜之

獻徵錄

瓊山縣志

卷二十二

官師一宦績

四十一

高卓籍貫未詳嘉靖間海南衛指揮同知持重善  
戰得士卒心歲統舟師海上剿寇前後斬獲無  
算軍民多賴以全神尖之役卓以二艦驅賊三  
十餘舟殺賊百餘人斬其首領王驄賊從後以  
礮擊之裒傷力戰賊乃敗去是夕卒巡道史朝  
宜厚賻輓之以詩

阮通志

汪宣南山所千戶性孝讀書尙禮管屯均田輕賦  
貧丁賴甦立社學教養軍丁之俊秀者一時多  
所成就嘉靖四十五年海寇何喬犯境修浚城  
池爲守禦計椎牛饗士挺身出敵攻城宣射之  
殲其執旗者賊遂遠去城賴無虞歷任二十餘

年軍民德之蕭志祀名宦

崇昇中所千戶勇冠三軍每出海捕賊必先登陷陣所獲財物悉散兵卒故人樂爲用保陣瓊海者十餘年賈志祀名宦子維績世其官累遷至兩廣坐營都司署清瀾所威服峒黎萬曆十七年平澳黨諸將各爭功伐維績獨恬然海忠介嘗曰崇昇梟雄之將維績才優守潔亦武弁中首稱者蕭志

劉鶴齡廣西桂林人嘉靖間尹瓊山政教清靜撫循黎庶民安衽席閭閻無擾追呼不聞去官之後有甘棠蔽芾之思郝志通

瓊山縣志

卷二十二

官師一宦績

四十二

吳邦俊廣西臨桂人知瓊山縣爲政寬和居官廉潔糧耗贖緩一切不取民有實金於甕以獻書其覆曰蟹醢邦俊覺而却之往復數次卒無所受臺司嘉其清操特疏薦之阮志通

周思久字子徵麻成進士隆慶元年中浙江運同擢瓊守以母老疏辭不允涖任首重德行之士適巨寇許瑞百餘艘據海港中外洶洶思久不動聲色徐出示諭之賊遂遁去廣詢瓊俗利弊舉行鄉約旌善儆惡義士節婦親行弔祭僚屬更深濯磨纂集諸書著近民柯則大儒學宗聚生儒於書院躬自講授置射圃談藝之暇習射

在任五月政治改觀聞母病卽解綬去抵家三日母終人以爲孝感都御史海瑞稱其賢賈志  
許孚遠字孟中德清人嘉靖四十一年進士授主事隆慶初以高拱薦出爲廣東僉事明史儒林傳分巡海北道時海賊李茂肆掠瓊南漳寇莊西復率倭奴流劫瓊山文昌諸邑郡守危甚孚遠由海北引兵至人心稍定先是同知陳夢雷議發鄉兵人情恟懼孚遠止之制府欲令總戎統兵二萬南來復却之剿撫並行卒招安李茂等擒倭黨七十餘人海氛平靖瓊南賴以粗安皆孚遠之惠也

瓊山縣志

卷二十二

官師一宦績

四十三

周希賢莆田人隆慶中守瓊州政尙寬和不爲礪刻僚屬咸德之士民被膏澤者頌聲不絕嘗刻諭瓊體要備言治瓊之法使觀者有所循式焉又重修郡乘頗稱典要郝通志祀名宦

馬宗魯廣西桂林人隆慶間由澄邁教諭陞府推官決疑出滯胥得其平操行清白苞苴不染時海寇猖獗宗魯挺身撫諭一郡賴以爲安蕭志

林志福建福寧州人隆慶間瓊山教諭制行端方訓生徒隨事規戒貧者捐俸賑之事上不諂下交不瀆擢王府官去蕭志

魏成忠江南人以左參政兼視學政日集諸生闡

經論史功在膠庠築壩修濠澤垂士庶祀名宦  
同上

林如楚福建人先以副使督廣東學政萬曆壬寅  
復起以按察副使分巡海南釐剔諸弊注意學  
校考課先德行而後文藝士風不變時郡以黎  
馬矢之役供億繹騷百姓疲敝如楚鎮以清靜  
黎平後建水會所設城池創公廨議兵餉嚴守  
禦立社學化黎童綜理微密闔郡晏然歷官工  
部侍郎賈志祀名宦

舒大猷湖廣通城舉人歷官海南兵備逾年加敕  
督學巡歷所至一切故例悉斥止之治盜極嚴

瓊山縣志

卷二十二

官師一宦績

四十四

覈境內肅然賈志祀名宦

蔡夢說字君弼福建龍巖州人進士萬曆十六年  
巡按抵瓊問民疾苦赴愬者阻於干陬夢說立  
撤之盡其所言備知衙猾土豪悉寘諸法海賊  
李茂陳德樂等據舖前官兵不能制夢說開示  
大義論以禍福各俯首解散三十五年以憲副  
兵備督學益事振作申濫受民詞之禁戒部差  
下鄉擾民者法無貸練軍實嚴考校摘發代冒  
諸弊豪貴者無所行其私閱諸生會課諄諄提  
誨州縣遠赴者優之餼任三載境內晏然陞分  
守南韶參政行之日猶慮積奸復爲民患版其

名於道門左賈志祀名宦

姚履素浙江仁和人進士萬曆三十六年任按察司副使四十一年黎賊廖二肆劫陵水百戶陳克先爲其所害時適平崖黎履素偕參將葉應春督兵進剿生擒那求那欣等置於法設白茅營以禦之加意招撫歸者十六陵民賴以安陵水

志

汪起鳳字來虞吳縣人萬曆辛丑進士累官廣東左布政使在任六載擢浙江巡撫以不附魏闖且東粵獨無闖祠忠賢矯旨與督府何士晉同日奪職崇禎初起用補海南學道卒祀省名宦

瓊山縣志

卷二十二

官師一宦績

四十五

郝志通

薛夢雷字鳴宇福清人萬曆初由江山令徵入爲御史以不媿阿失江陵權協院王篆擠之出爲廣東僉憲備兵瓊崖轉參議副使破平大泥賊蜚賊海賊蘇觀陸葉宗權等錄徵

李多見福建仙遊人萬曆中以文選郎中擢守瓊州重學校嚴吏胥民有訟者論以曲直不事敲扑二十七年黎馬矢亂多見申文誓衆討賊止擒首惡不許妄殺招募義兵親詣督戰竟獲馬矢凱旋後請立水會所設官兵守禦以母老乞休士民懇留不可得束裝之口惟圖書數篋

老遮送贈金不受北渡至海安篋中檢得沉香  
立焚之瓊人爲建燬香亭并建生祠顏曰忠孝  
清高著有周禮紀畧楚遊學源小學等書阮通志  
祀名宦

翁汝遇浙江仁和進士萬曆三十七年知府事興  
利釐弊施藥賑貧訓課士子安集流離建橋梁  
以免厲揭謹烽埃而親守望旱禱格天撫黎向  
化四十一年調河南衛輝府去任賈志祀名宦

吳廷雲號白漚福建閩縣人通志作長汀人萬曆庚戌進  
士擢守瓊州革屠牛錢三千餘金捐榔榔歲課  
五千金廉能公恕課農講約化導維勤考績爲

瓊山縣志

卷二十二

官師一宦績

四十六

天下清官第二尋改肇高兵備阮通志祀名宦

倪凍上虞人歷知撫州淮安荊州瓊州四府有當  
官稱瓊州瀕海有港可田募民興築得田千畝  
官司其佃以其半贍諸生膏火以其半儲之備  
荒倉嗣後遇侵歲民賴以無憂阮通志祀名宦

吳錢湖廣澧州人爲府同知廉公愛民嚴於馭下  
躬親案牘猾吏斂手萬曆三十三年地震瓊民  
壓死以千百計錢躬自稽察得實捐俸金埋葬  
之震蕩之後百役並興調度有方民不苦役後  
以左遷去衆論惜之賈志祀名宦

萬煜南城舉人萬曆間同知雷州有政聲土頌民

懷署瓊數月平崖黎亂政績茂著兩臺會薦補  
瓊守竟以他事左遷去士民立碑志去思焉

郝通志

高維岳宣城舉人萬曆二十九年授雷州府推官  
廉明有執時遠近地震瓊郡尤甚田畝陸沉官  
署民居俱毀維岳奉委攝瓊矢心擘畫不半載  
積逋頓完堂宇復立時礦徒萬餘人將聚爲亂  
以計解散之渡海還雷行李不加直指李應魁  
深爲器重特薦其邊材欲超用之竟循資平轉  
得鞏昌同知以去公論惜之

阮通志

陳訖字蒼崖廣州東莞舉人成化間判瓊州府值

瓊山縣志

卷二十二

官師一宦績

四十七

生黎反督臣以軍事委訖訖椎牛饗士以血沙  
塗皮兩人共持一張黎箭不能入提八十觔鐵  
簡擒其酋長蒲盧男黎寇平學士邱濬以詩褒  
之其誰知別駕眞丈人秋毫無犯除妖氛之句  
陞廣西僉事

同上

吳俸浙江會稽人府通判瓊自萬曆二十年以督  
捕兼撫黎至二十九年添設撫黎通判俸乘馬  
矢剿定之餘開示信義招撫黎人黎出聽招者  
數十崗願輸約者數百頃時建設水會所社學  
取府學生儒教黎童習讀黎人因此知學署瓊  
山愛民如子有積案連年不決俸視事卽時昭

雪□革浮耗令懸鉦署門外有擅增分釐者置  
法後以左遷去士民送者絡繹數十里郝通志祀

名宦

曹學蘇廣西全州人萬厯癸卯舉於鄉任瓊州府

通判以廉能稱阮通志

戚大勲德慶州人府學訓導持己端莊接物和霽

蕭志

韓鳴金字伯聲博羅舉人萬厯間府學教授博洽

經史工於詩文勤課藝精品隲動由禮度癸巳

校修郡志陞知宣化縣賈志祀名宦

吳良弼增城人萬厯間府學訓導操履端方三署

瓊山縣志

卷二十二

官師一宦績

四十八

學印皆却餽不受又署會同縣印政平刑簡士

庶稱之郝通志祀名宦

龔漢臣湖南籍貴陽舉人萬厯間知瓊山縣時邑

當採珠征黎後財力耗敝民不堪命漢臣力爲

節省每從寬厚使得休息未幾以艱去士民惜

之載餼糧伺祖於道郝通志

陳應禮宣化人萬厯間任瓊山教諭能持大體接

士以禮署崖州革除浮耗及歸崖民泣留同上

梁尙道順德舉人博羣書工詩文萬厯間任瓊山

教諭捐俸修學日勤課藝兩分秋闈所得皆名

流當事以東南文衡額其門陞知修仁縣著有

看竹集出山草

阮通志

旦起元江西人天啟間知府事事蹟未詳舊志列

名宦

蕭志

清

林嗣環號鐵崖福建晉江人順治七年由進士歷官按察司副使分巡雷瓊一介不取豪強屏跡先是賊首羅成基踞民田百姓代輸稅及□平沒其產稅仍累民嗣環力請清覈以賊產入籍餘還之民瓊向有派役例值者苦之嗣環均其偏累未幾內召去以士民請祀名宦

蕭志

何澄直隸正定進士順治十一年任本府推官執

瓊山縣志

卷二十二

官師一宦績

四十九

法平允省釋冤獄當兵燹之後以休養爲己任禁戢藩下驕兵橫弁剿撫叛黎咸受約束以治最擢兵科給事中康二十八年祀名宦

賈志

邱象升字曙戒江南山陽人順治乙未進士庚子調瓊府通判將之官道出徐聞縣縣防兵以餉不至大譁城門晝閉象升直前諭之曰我瓊州別駕也適自省會來藩司給餉且至汝曹姑待三日則士飽馬騰孰與逆行干紀相率而受赤族之誅平吾勉爲若留待餉至然後發耳逕叩關入使者署弛裝而卧士卒聞象升言遂解甲以聽亡何餉果至將吏兵民泣拜於途曰公活

我倅瓊職司撫黎黎酋恃險遠數梗王化象升  
日是不可以文諭而惠結也密檄民兵簡其精  
銳自將以出黎出不意皆大驚鳥獸散擒斬首  
亂數人餘悉懾服瓊賦舊越海解藩庫瓊之兵  
餉復赴藩司請領往返數千里軍民交病象升  
建議以爲留瓊之賦餉瓊之兵其事便遂著爲  
令至今行之阮通志

金光房字天駟江南吳縣人順治己亥進士授九  
江推官以廉明稱會裁缺改知瓊山縣事益勵  
清節議定均貢香黎人樂附鄰鄉有欲以剿黎  
邀功者光房力寢其事鎮兵譁譟單騎出諭之

瓊山縣志

卷二十二

官師一宦績

五十

軍心帖然得無他變卒於官大清一統志祀名宦

于覺世字子先號赤山山東新城人順治己亥進  
士歷禮部郎中出視學廣東教士先德行後文  
藝士翕然化之瓊州遠在海南前學使多憚風  
濤不至覺世叱馭而往舟至中洋颶風作舟中  
人皆驚俄有小鳥狀如鸚鵡來集檣上舟人懼  
譟徑渡得無恙論文之暇兼問忠孝節義關教  
化者悉旌之阮通志

朱宏祚字徽陰山陰高唐州人康熙十七年巡撫  
粵東疏陳鹺政之弊一清陋規以勵臣志一禁  
換埠以靖奸風一定鹽價以杜橫索一專緝捕

以免株連語語剴切商民德之瓊郡遠居海外  
兵燹後澄邁臨高二邑錢糧逋欠七萬一千九  
百兩有奇宏祚爲疏免其累擢閩浙總督祀廣  
東名宦

郝通志

張仲德奉天人康熙十七年廣東布政使司經理  
全粵類多善政凡扣剋擾累諸弊盡革除之卒  
於官士民公請祀名宦

蕭志

李華之字秀實諸城人康熙丙辰進士由中書歷  
任觀察粵東時瓊州尙黎猖獗華之單騎往諭  
更爲布置營伍兵黎相安至今帖然歷陞雲南  
布政使終刑部侍郎

大清一統志

瓊山縣志

卷二十二

官師一宦績

五十一

張萬言奉天人康熙二十六年由監生知府事潔  
己愛人尤善教養民有懿行獎之以勸其餘三  
十年新設兩廣鹽院議設瓊商配引加餉瓊民  
周介文等呈稱瓊郡環海在在煮鹽自古未設  
鹽商竈戶自煎自賣若設商小民貴販難賣黎  
人淡食難堪恐生不測萬言力爲詳請具題邀  
免是歲大饑發府倉積穀六千餘石以賑饑奉  
文追補還倉萬言捐貲賠補適報丁艱不及買  
穀竟以貯非木色引虧空例革職士民惜之至  
今頌德

賈志

祀名宦

吳啟爵字縻源豐順人掛印總兵六奇季子也郡

諸生以正黃旗侍衛從征臺灣克澎湖有功授山西太原總兵父卒服除授瓊州總兵康熙二十八年三月陵水熟黎王國臣等爲亂劫掠村民啓爵統兵入喃嘮陶家墜等崗擒斬三百八十餘人悉奪回被掠者八月生黎母葵母贊等崗復出犯營汛啓爵率本部立破母贊殺賊十餘人羣黎懼服皆歸順共撫生黎一十七村計五百三十五戶啓爵兩次深入黎境具悉形勢遂自請畧定黎地廓清全瓊添設州縣爲久安計未行而止因設水尾太平薄沙寶停并舊設樂安共五營各據要路分兵駐防爲善後計再

調天津鎮總兵行至雷州卒啓爵夙嫻籌畧戢

兵愛民祀名宦

阮通志

翁嵩年字康飴號蘿軒浙江仁和人康熙戊辰進士歷刑部卽中督學廣東矢心慎恪務得眞才先是學使者以瓊州在海外每以風濤不測爲虞嵩年曰出八忠信何畏焉卽命舟人揚颿渡

海

浙江通志

賈棠直隸河間人康熙三十七年由歲貢任瓊州府正已率屬決訟如流置義田濟孤貧歲饑捐賑民賴以甦郡治苦低窪乃除道成梁以便行旅捐俸修學宮輯郡志任瓊九年百廢具舉擢

本省鹽法道整飭鹺政通商恤民祀名宦

郝通志

王贄字獻甫直隸新安人康熙四十三年領鄉薦任瓊山令才能果斷勇於興作捐俸修學宮置祭器建文峰塔文昌祠以振文風構茶亭以濟行旅始修邑乘旁搜博採纂述詳明治蹟遺愛至今不朽

蕭志

關必登字揆端南海舉人補瓊山教諭博洽經史勤於啓迪誘進後學文風蒸蒸日上尤具史才前令王贄纂修邑乘倩其筆削多所糾正

同上

焦映漢陝西人康熙四十四年分巡雷瓊道勤宣德教扶植士氣創建瓊臺書院宏敞完固軒豁

瓊山縣志

卷二十二

官師一宦績

五十三

光明一切土木瓦礫工役之需悉出捐俸不假助援復置義田以供稟餼延名宿爲師聚闔郡生童講貫其中諸生有艱於自給者或省試無力者亦得仰資歲租以繼其不逮

蕭志

設主祀於瓊臺書院

王暮太倉人原祁子也康熙四十五年進士丁巳巡撫廣東時瓊州一郡編征稅銀多缺額地方拘於考成在地丁榔柯稅非門烟戶等項均攤賠派暮徹底查清奏免四千餘兩以蘇民困廣東濱海颶風起潮溢爲災暮委賢員協辦軫恤無使失所瓊州懸海外水土瘴毒泣茲土者偶

有死亡道路遠家口不能歸骸骨旅殯暮請酌  
動存公銀兩給發路費

春融  
堂集

勞翀字景雲南海人性孝友邃理學康熙壬戌授  
廣寧教諭擢高州教授以憂去服闋補韶州教  
授復丁內艱再補瓊州海外聞其名慶得師未  
幾卒於官祀鄉賢著有他山集遺安堂稿

廣州  
人物

志

孫起範字洪九江南長洲人宰瓊山愛民禮士政  
簡刑輕當百姓疲敝之餘多方保護在任二年  
卒於官百姓如失慈父母櫬歸士民泣送至海  
口者以數千計

舊  
志

瓊山縣志

卷二十二

官師一宦績

五十四

林文英福建侯官人康熙戊辰進士五十四年由  
郎署出守瓊州一切陋例捐除殆盡瓊隔海南  
士子艱於應試文英當賓興輒捐俸金買舟以  
濟瓊士感之俗信鬼惑襪祥親喪怠葬或至數  
十年文英痛懲其弊風卽革祀名宦

郝通  
志

沈澄浙江山陰人康熙間由歲貢歷官雷瓊道清  
介自守表率有方多善政凡所屬有猺黎者必  
語其官司示以誠信由是皆率俾焉

阮通  
志

王安國字書城高郵州人雍正甲辰會元乾隆二  
年以都御史銜管廣東巡撫事七年奏裁同知  
二員運判一員驛丞四員巡檢二員崖州陵水

昌化感恩訓導四員部議從之見舟車錄聞安國爲

學使舊制院門嚴啓閉曰人之欲實在心苟無

欲雖日啓門何患乃設西齋延見諸生令長揖

使知重廉恥長氣節淮海集十年授禮部尙書

諡文肅見舟車聞錄

宗思聖順天大興人雍正五年任知府仁惠廉明

興廢舉墜修整文明樓撥田畝以供香火費士

民立祠海口祀之阮通志

潘思榘字絜方江南陽湖人雍正甲辰進士十二

年分巡海南道實心愛民請粟賑饑疏郡城東

北河道商民利賴因名曰潘公河肅志歷官廣東

瓊山縣志

卷二十一

官師一宦績

五十五

布政使安徽福建巡撫所至皆著政績吏兵思

之卒諡敏惠祀賢良祠大清一統志

楊宗秉字遠惑絳州人夙有才名果於任事乾隆

二年任惠來令相度地勢開築磁窑馬隴陽岡

湖等陂灌田以千萬計尤留心學校造就人才

八年調瓊山縣阮通志至則興廢舉墜繕城垣修

學校儲倉庫衙署寺塔無不修葺完善縣志自

康熙間修後板多殘缺宗秉悉心採訪檢校成

書以存文獻至今賴之

王錦直隸天津人進士乾隆三十年由翰林院編

修出巡雷瓊兵備道整飭官常留心教化添設

瓊臺書院田畝膏火延請浙江名孝廉吳光昇  
爲生童師日有程月有試旬有大小兩課文風  
蒸蒸日上一時科甲聯翩而起士林德之奉長  
生牌祀於瓊臺書院

黃紹統字燕勳香山人前明祭酒佐七世孫乾隆  
己卯舉於鄉選石城訓導敏雋好學誠慤廉介  
工詩古文詞以學行化一邑學者稱仰出先生  
由石城訓導陞瓊州教授士民餞送十餘里抵  
瓊訓士有方取與不苟三載卒於官嘉慶十七  
年史館徵取行狀遺集備採入文苑傳

蔡共武字毅堂浙江仁和進士嘉慶六年由翰林

出巡雷瓊兵備整飭紀綱振興教化瓊臺書院  
頽壞捐廉修葺增添諸生膏火日課月程訓誨  
不倦後陞鹽運使司瓊士到省者猶殷勤培植  
如在瓊時多士感之祀於瓊臺書院

邱殿章字復齋大埔人少孤力學授徒養母乾隆  
壬午領鄉薦選曲江教諭調儋州學正陞瓊州  
教授勤於訓迪體恤貧生教人躬行實踐先品  
行而後文藝多士戴之如嚴父性恬淡篤學至  
老不倦卒於官遺書數篋而已所著有韶濩正  
音詩稿子孫占籍於瓊山

言尙煒江蘇昭文縣舉人先賢言子裔孫嘉慶十

周鳴鑾號曉坡山東單縣進士道光壬午備兵雷  
瓊敏於政事案無留牘甲申歲大侵貧者多鬻  
子女於海北諭止之招米商海運請平糶接濟  
饑民所存活甚眾尤加意造士倡捐拓建瓊臺  
書院膏火籌經久之費詳定章程勒石院門又  
著學訓二篇每課士必親校閱口講指畫諄諄  
如嚴父師瓊人士至今誦之

喻溥字公輔湖北黃梅進士道光六年任雷瓊兵  
備道察吏安民潔己愛士敬教勸學瓊臺雁峯  
兩書院皆兼課之親加丹鉛點竄不啻塾師諸  
生百數十人赴省試者必送卷資是科獲雋三

瓊山縣志

卷二十二

官師一宦績

五十八

人其後有宴瓊林登瀛洲者咸服其教澤之宏

云俱同上

劉斯增江西南豐人道光壬午進士初授雲南永  
善知縣改調廣東補授瓊山知縣性剛直愛民  
重士不名一錢讞獄從寬挺重囚益以衣食擢  
陞萬州知州

李文烜號午橋江西德化人道光甲午科亞元題  
補瓊山知縣奉公守法清節凜然矢慎矢勒邑  
無廢事渙伏莽之寇戎而民靖止出港之米穀  
而價和裁處得宜眾咸歡悅聞將內調羣籲大  
吏留之未幾以丁內艱卸事

道光年間纂脩省志有未歲事而爲

之傳者今志本李公倡修稿初就而離任  
謹將政績探入垂示後人亦做通志例也

呂子班字仲英江蘇陽湖進士雍容儒雅和氣藹  
然初到任卽自出廉資數百元邀觀察與縣舉  
行鄉試賓興禮整頓學校釐正字體講究詩律  
嚴防幕賓有幕賓爲道署幕某請戲酒留連於  
家卜晝卜夜遂稟道辭之限三日北渡待士有  
體擬作府書院並擬脩志大有作養人才之意  
惜未久以丁憂去補遺

黃宗漢號壽臣閩之晉江人由甲榜擢給諫出爲  
糧道調海豐缺到瓊卽整飭學校脩舉廢墜雷  
瓊道缺瘠公以糧儲道之廉資濟瓊美舉如東

瓊山縣志

卷二十二

官師一宦績

又五十八

西武廟捐銀數百元脩整增建學官節孝祠瓊  
臺青院捐錢壹千伍百千文雁峯書院捐錢  
伍百千文謙尊而光優待兩書院山長相見  
必請肩輿由中門出入行賓主禮不以部民職  
分卑小視武弁歸兵備統馭必嚴束之延接士  
子勤如吐握地方公事必俯咨兼採士論而折  
衷之勇於必行察吏安民不遺纖細罰攤賭首  
千餘金並添鶴俸足數千金作文會試賓興課  
士多獎賞親評甲乙以鼓勵陞山左臬司去有  
竒甸甘霖頌攀轅集刻冊傳誦設長生牌奉祀  
瓊臺書院與前賢良各觀察體辨香旋撫杭督川

呂銓號移村

舉人同治四年升補瓊州知府

履任後嚴於察吏謂知事爲親民官不得其人民何由治黜貪獎廉雷厲風行吏治一變瓊臺書院爲十三屬士子所肄業捐廉銀六百餘元以充膏火增加課額勤於考課諸生有文行者倍加獎勵諄諄訓誨若師之課弟文風蒸蒸日上士子應試更多於前重修考棚添設號舍遇地方有蠢動出諭勸導以激發其天良隨卽解散治瓊三年外海內黎相安無事適值欽州盜賊紛起粵督以銓才幹前治欽時曾平巨寇檄調銓任廉州府藉資勦撫瓊州士民聞其離任不能挽留賦詩贈行編成

去思集

戴肇辰江蘇丹徒縣人由進士出守廉州同治七年調瓊州下車伊始考試觀風以經史詞章課士拔其尤者刻校士錄以示程式留心教育每課加獎勉勵諸生重修蘇公祠泂酌亭三公祠自撰序記擇書法之佳者胡知事爲黼廩生張罔書王之福等分書刻石築於泂酌亭三公祠壁以爲後人取法捐廉銀三百元創設景賢賓興勸瓊山通縣加捐成鉅款置產業時祀三公並津貼士子鄉會試水腳又慮負郭貧民葬終無地多致停棺因買西郊外金盤地縱橫百丈以施貧民安葬棺自此眾

喪皆舉恩加掩骼皆其當時實心善政卓卓可傳  
任時士民攀轅賦詩以寵其行

馮端本字子立河南人由進士官郎中出守瓊郡廉  
明慎勤素著循聲而猶有功於文教重建蘇泉書  
院添齋舍講堂規模視前完備捐廉爲倡勸各縣  
籌捐二萬餘金以充膏火延請河南名進士王伯  
良主講席勤於課士親爲校閱其文行優者招入  
署面試待以殊禮每逢鄉試送士子卷資公餘禮  
賢下士減其騶從訪耆儒黃建範以勸勵多士陞  
任廣州府士民攀轅送數里抵任後猶捐廉二百  
元爲京兆賓興助士子赴試北闈購十三經注疏

資治鑑等書藏於蘇泉秋試屢送瓊州卷資士林  
德之奉祀於蘇泉書院

張之洞字孝達號香濤直隸天津府南皮縣人總督  
兩廣時當法人用兵越南沿海戒嚴瓊州與越南  
毗連派王之春統帶大兵紮海口府城外築十餘  
營壘保護海外法人不敢窺伺瓊賴以安兵事既  
罷籌辦防海巡洋至瓊審察海岸衝要撥款建築  
秀英礮臺五座購克虜伯大礮五尊共費銀二十  
餘萬元爲瓊州數百年未有之大建築海防旣固  
又開山撫黎奏派馮子材開中路由嶺門以通崖  
州樂安方長華開西路由南豐以通陵水寶停經

費亦數十萬元設嶺門南豐閔安三撫黎局責以撫率黎民開設學校修治軍路諸大政而以雷瓊道監督之開闢瓊州數千年未有之政績又慮瓊之科第無多奏請遵臺灣例隔科定額舉人四名有十人以上赴會試取進士一名部議定隔科二名爲額此皆大有造於瓊州者也創建廣雅書院定瓊州五名課額拔取瓊山四名次年林之椿馮驥聲相繼領鄉薦曾對顏領鄉解王國棟亦以優行第一貢成均皆拔取廣雅之士大開海南風氣瓊士之知實學自此始至其措施兩廣之政績卓卓可傳不盡縷陳專舉其政績在瓊者後調督兩

瓊山縣志

卷二十三

官師一宦績

六十一

湖兩江旋入閣卒祀賢良祠諡文襄

案光緒丁亥年冬月巡洋

瓊到

朱采字亮生浙江嘉興人優貢由知府簡放雷瓊道下車伊始考試觀風發策問地方弊政取前列者延請入署一一詢其實跡嚴察吏治查有貪墨實迹者黜之一年之中革斥七八員吏治爲之一變重氣節愛名士與文昌潘孝廉存爲莫逆交尊重師儒表章忠烈創建海南第一樓祀唐李德裕宋李綱趙鼎胡銓李光五公於樓上以補祀典之缺並建五公精舍仿學海堂例設專課生選瓊之高才生課以經史詞章延聘寧波名孝廉郭晚香主

設算術一門勤於課士額外加獎文風丕振丙申  
逢選拔年瓊州拔貢皆專課生時稱得人丁酉夏  
五法商與海口商交涉索款甚鉅皆執公法力爭  
嚴詞拒之得免賠累厥功甚偉時值荒歉捐廉銀  
千元並撥借庫款二萬元運米濟飢創建府城愛  
生醫院捐銀壹千元並建三里七里二亭於海口  
郡城往來大路以惠行旅陞任廣東鹽運使署藩  
司

劉尚倫字佩五由進士官郎中出守瓊州兼護道篆  
爲治廉明持己儉約務行實政不務虛聲而猶以  
振興學校爲急查瓊郡城外舊有蘇泉書院歲久

齋舍傾圮雖有膏火諸生肄業無地郡內東南有  
淨土菴爲明歐陽太守遺愛祠易代時被僧占已  
久遂屏去浮屠捐廉爲倡勸紳商籌捐巨款移建  
蘇泉書院補建歐陽太守遺愛於講堂之後共費  
七千餘金充菴產二萬餘金以爲膏火經費時值  
飢荒捐廉五百兩交商家買米平糶儋州北岸械  
鬥殺傷日多控告連年當道議以兵力從事尚倫  
謂赤子弄兵不用勞師糜餉親往解勸單騎赴儋  
一僕相從至則招地方紳耆力爲勸之各村心悅  
誠服盡釋前嫌言歸於好歸時沿途相送歡聲雷  
動古之循良罔以加此又修文峯塔文昌閣設義

學其中以教材中貧子弟並修府署六房費銀三千兩六年滿任捐廉二千元撥充瓊臺蘇泉二書院膏火又捐五百元充雁峯書院膏火又捐五百元於愛生醫院種種善政皆有益於士民調任惠州時士民攀轅泣送依依不忍去

鍾穎字君實號和琴江蘇常熟縣人由拔貢朝考一等授七品小京官轉補吏部主事升稽勛司員外考取總理各國事務衙門章京記名御史簡放荆宜施道乞養歸籍服闋補瓊崖道光緒三十四年到任下車伊始嚴於察吏適值海口商行控洋關稅務司額外苛征相率罷市勢將決裂鍾穎力

爲勸諭執法遵約照會各領事換調稅務司商埠始安無事其時瓊屬災荒哀鴻遍野發公帑存款交紳商購米平糶藉蘇民困是年冬查瓊崖中學浮開濫費過多照會監督切實省節從前積弊至此始清內治旣修表章先賢親謁丘海二公墓選其後裔給學費送學堂修業期其有成爲前此人所未有之盛舉又查瓊州府志續修六十餘年正宜續修捐廉一千元爲經費設戒烟局於海口籌定經費貧民無力戒烟者入局給食給藥九開辦一年均收實效而猶愛才若命禮賢下士遇有地方應舉應辦諸事延請諸紳商定然後施行其學

生有志升學者必移文咨送治瓊二年士悅民服而淡於仕宦詳請開缺瓊士聞之聯名上稟粵督懇留滿任未幾升廣東按察使去任後遇瓊士來謁情誼猶篤考察瓊州吏治如在瓊時其操守廉潔經濟宏遠當於古人中求之不數月超遷河南布政使

官師志二

武功

唐

宋

元

明

清

唐

馮盎字明達

通志

高州良德人譙國夫人孫

蕭志

累代

為本部大首領盎少有武畧隋開皇中為宋康

令仁壽初潮成等五州獠叛盎馳至京請討之

文帝敕左僕射楊素與盎論賊形勢素曰不意

蠻夷中有此人大可竒也即令盎發江嶺兵擊

之賊平授金紫光祿大夫仍除漢陽太守

通志參新

舊唐書

隋亡奔還嶺表有眾五萬番禺新興賊高

法澄洗寶徹等受林士宏節度殺官吏盎率兵

瓊山縣志

卷二十二

官師二武功

六十九

破之寶徹兄子智臣復聚兵拒戰盎進討兵始

合釋胄大呼曰若等識我耶眾委戈袒拜賊遂

奔潰擒智臣等悉有番禺蒼梧珠崖地

蕭志

自號

總管

高州志

或有說盎曰自隋季崩離海內騷動

今唐雖應運而風教未浹南越一隅未有所定

公克平五嶺二十餘州豈與趙陀九郡相比今

請上南越之號盎曰吾居南越於此五代本州

牧伯唯我一門子女玉帛吾之有也人生富貴

如我殆難常恐弗克負荷以墜先業本州衣錦

便足餘復何求越王之號非所聞也

阮通志

武德

初歸唐立儋崖振三州

蕭志

以盎為高州總管封

耿國公資治通鑑

宋

潘美大名人開寶三年以桂道行營都部署尹從珂爲副將兵平南漢四年劉鋹降遂有嶺南地得州六十縣二百四十瓊始歸宋蕭志

陳升之官保義郎熙寧十二年撫降樂會白沙崙黎王邦佐部衆俘獲林智福等瓊管司上其功同上

王介南雄保昌人慶元中崙寇擄掠鄉村逼城下介遂奮勇擣其前鋒卻之以功擢武德將軍御賜旗題云海外四州都安撫使阮通志

瓊山縣志

卷二十二

官師二武功

七十

元

朱斌徐州人國寶子至元十八年同濶里吉思平黎蕭志

明

周旺廬州人高郵千戶洪武二年領兵開設衛所蕭志

汪滿洪武二年同周旺追羅已終於交阯  
吳成以百戶分司海南

花茂巢縣人洪武十五年以廣州左衛指揮僉事征海南叛賊有功陞都指揮使二十七年同安陸侯吳傑百戶吳端巡歷瓊南招集安撫奏築

海口南山二城二十八年議立南山千戶所平崖州千家村各崗永樂四年復征平羅活崗蕭志吳傑安陸侯洪武二十七年同都指揮花茂巡歷招集民丁充軍二十八年築砌海口城撥後千戶所備禦

吳端廣州前衛中所百戶洪武二十七年進征海南

楊暲合肥人以湖廣平章定海南後封滎陽侯贈

芮國公同上

崔聚懷遠人少從永樂起兵宣德元年拜左參將隨征虜副將軍柳升討黎利升失機兵挫聚整

瓊山縣志

卷二十二

官師二武功

七十一

軍至昌江賊來益眾官軍殊死鬪賊驅象大至陣亂賊大呼降者不死官軍或死或走無降者聚力戰被執百計降之終不屈死阮通志

龍昇雷州人副千戶宣德間奉調征崖攻東界等崗擒男婦數十前後斬賊級數千補海南正千

戶陵志水

王燧籍貫失載雷州揮僉奉委守瓊攝衛印與知府蔡浩和衷共濟軍民樂業盜賊屏跡成化五年平黎賊符那南時有都指揮李祐參將馬澄先後平落窰黎又宏治三年參將姚英平賊陳那洋

馬澄參將成化十一年征落窰黎

張經字廷彝侯官人正德丁丑進士有文武才口

鎮兩廣平安南及瓊州黎進兵部尚書俱同上

歐陽必進字任夫廬陵人正德丁丑進士累官兩

廣總督時黎獐流毒珠崖乞師討之前後斬獲

甚多面縛者幾千人不三月班師獻徵錄

韓恭大興人雷州左所副千戶隨調瓊州府征黎

賊屢立戰功保吉營之敗衆皆先奔恭獨殿後

賊至反兵陷陣力竭而死雷陽志

武鸞廣西人瓊州參將嘉靖十九年崖陵各縣黎

歧蠢動鸞奉檄同參將董廷玉劉經北山屯指

揮戚振廣州衛指揮劉海等領兵分哨勦捕斬

獲無算捷聞各陞俸一級賞賚有差

柳珣安遠侯升五世孫襲祖爵嘉靖二十年奉命

統兵征黎擒斬五千誅其酋三十人加少保卒

贈太保諡武襄明史稿同時有廣南衛指揮錢大

有李元爵俱從征嶺脚黎有功蕭志

吳良知字廷通少習孫吳法嘉靖時倭寇爲患海

道譚綸薦授把總三戰三捷歷陞廣東瓊崖參

將每戰必誓師令無殺掠故所向成功浙江通志增

黃應甲萬曆五年以總兵官鎮廣東屢破海賊斬

獲無算優叙進秩倭寇瓊崖應甲斬首二百餘

奪其舟再賜金旋入僉左軍府罷歸卒

明史李錫傳

劉崇文南寧衛指揮萬曆十九年委撫瓊山黎

蕭志

柏維實雷州指揮萬曆十九年調征黎賊

同上

續蒙勲字世階處州衛人襲衛指揮多膺力後掌

衛篆陞雷州白鴿門千總築兩埠修營房入戰

擒倭寇百三十餘人斬首二百級遷都閩坐營

合勦珠崖黎寇以破巢功最陞參將

阮通志

黃鉞浙江上虞人武狀元素有韜畧膂力過人累

官瓊州參將萬曆四十二年崖黎滋擾統軍征

討厲士卒具糗糧與陽電參將葉應春署雷廉

參將楊應春廣西柳慶參將熊大經廣州衛指

瓊山縣志

卷二十二

官師二武功

七十三

揮王中燿白沙寨把總王熙葉思義等刻期進

勦大小凡十餘戰俘馘不可勝計大挫黎蠻民

賴以安鉞後陞潮州總兵

蕭志

王選黃岡人由廣東都司署瓊崖參將萬曆四十

二年同征崖黎

王熙白沙寨把總萬曆四十二年同征崖黎後陞

遊擊

俱同上

清

高進庫陝西人順治九年總鎮瓊州平服黎崙進

秩都督同知廕一子

蕭志

江起龍江南徽州人順治十三年任水師參將駐

劄白鴿寨始至營署俱圯無城塹可守乃捐貲立營寨招居民屯聚爲墟市商賈畢集康熙三年遷海安龍遂進副將五年出洋捕盜風發舟覆殞焉叠著神異雍正九年

欽定英佑驍騎將軍之神起龍爲人仁勇忠直故生著

匪躬之節歿顯利涉之功宜膺大典云

郝通志

楊廷潮州人康熙八年瓊鎮左營千總隨征逆賊

王之銑陣亡優卹

同上

謝謙揭陽人康熙中海寇楊二聯等犯儋耳謙與瓊山令茹鉉協勦設伏突攻大敗之焚巨艦五擒長毛賊二十七人辛酉二月賊復聚數萬寇

瓊山縣志

卷二十二

官師二武功

七十四

擾東西路陷海口所暨澄邁定安諸邑將逼郡城謙率七舟併力鏖戰一晝夜身被數十鎗力窮被執不屈死

大清一統志

蔡璋字秉鉞福建晉江人康熙十九年由江西水師總兵調順德鎮抵任首治戰艦詰戎兵定汛守明賞罰逾年簡舟師徑突海陵出賊不意傾其巢穴賊謝昌走外洋旋與楊二洗彪合勢復振會犯瓊南璋率師渡海賊分三路拒敵璋麾樓船結大陣令槳舸迎潮擊其尾大敗之斬獲僞官弁等六百餘級生擒三百人餘悉赴水死救回被擄子女三千餘人悉分遞回籍數年海

患以息阮通志

張瑜虎門副將康熙二十年海寇楊二謝昌等橫行海上分擾高廉出泃洲抵瓊州海口侵逼城下勢甚危急瑜以三月率師赴援十四日抵瓊十六日大戰會海口水師夾攻敗賊於白沙門擒賊首周勝張榮俘賊黨三百餘名斬首數千級餘賊遁去追至安南洋界而返師還泃洲釋賊被擄男女二千餘口雷瓊二郡咸銘其功卒以積勞歿於軍今配祀於海口江公祠參用佟湘年二公祠記並海盜類語

錢邦彥江南通州人海口營參將乾隆五十七年海寇游弋洋面商船多被劫奪邦彥三月初旬出洋

瓊山縣志

卷二十三

官師二武功

七十五

巡防遇賊船數隻鼓棹前攻略有殺傷賊佯敗誘之邦彥船深入賊船忽四面環集邦彥身先士卒奮勇力戰一手捩舵一手殺賊戰踰時賊傷無算一賊開槍中邦彥臂猶挺身獨立揮刀殺賊賊見邦彥被傷齊跳過船斫邦彥頭血流滿船衆賊恨邦彥殺傷其黨過多復斷其手剉肉成泥投於海水爲之赤尚有師船數號紛紛逃走不敢援救其死戰至慘當道諱不詳報拔貢林桂賦詩以紀其事據林桂詩補傳

吳元猷字敬圃張吳圖道郡人生而敏捷膽略過人由行伍隨防立功補龍門千總調海安奉檄討盜

連戰於泅洲獲盜首李洪秀梁亞九等磔之追至  
狗頭山擊破黃亞桂餘衆悉降署海安營守備以  
巡洋擊匪疊著勞績官至協鎮軍門其立功桑梓  
卓著成效者有三焉署崖州副將時海寇紛起張  
十五等強賊將犯海口元猷籌備兵餉募勇防守  
會同參將黃開廣戰賊於白沙門設伏於鹽竈口  
令諸船鼓而進大勝之追至急水門揚帆而去海  
口商民賴之以安其功一也夫瓊州四面環海高  
廉洋匪隨時出沒大爲瓊患元猷平黃白豆等洋  
匪廉洋肅清餘黨仍游弋瓊洋焚掠商船海口大  
受影響元猷復巡緝銅鼓西北海角擊破賊船追

至舖前洋面破匪首黃蕃盛斬首五十八級遂旋  
兵南下由感恩而北黎匪船結隊前來相犯鼓勵  
水手揮師船搏戰拿獲四船擒黎亞佳斬首百級  
瓊海胥平其功二也儋州劉文楷因爭起衅乘機  
煽惑鄉民率衆政城拒捕戕官經道鎮痛勦未能  
平定賊勢益張地方受害者數年粵督徐廣縉知  
元猷生長瓊南熟悉黎情素得人心由碣石調署  
瓊州鎮始至遂親履黎境曉以禍福痛陳利害黎  
人感悟卽時解散設計拿獲戕官政城焚市要犯  
許觀光丘有才阮大剛等九名文楷勢孤伏壯士  
於木車溝擒之斬以示衆不治脅從儋臨悉平其

功三也遂由瓊州鎮擢廣東水師提督其平海賊李亞快林譚保馮辰四等強寇身經數十戰斬首數百級有功粵海後以省城失事牽連革職卒後開復蔭子世恩守備代理海口參將

劉成元貴州人鎮軍三任十餘年勤於巡緝訓練士卒愛恤兵丁每秋巡洋遇賊遂戰不避艱險曾於洋中夜間遇賊數十人翻帆過船成元一見挺身奮擊連發數槍賊始逃入水中師船獲以保全瓊海一帶賴之以安曾征勦定安南牛嶺拏獲黎酋何秀通強盜處以極刑並飭各營嚴加防緝黎患胥平

官師志三

唐

唐

宋

明

唐

姚紹之湖州人初以鸞臺典儀累遷監察御史中宗時擢左臺侍御史坐贓五百萬法當死韋后女弟救請故減死貶瓊山尉

阮通志

楊知至字幾之刑部尚書汝士之子登進士第歷浙東團練判官爲宰相劉瞻所善薦其才學擢比部郎中知制誥中書舍人瞻旣謫外知至亦貶瓊州司馬及瞻起復入爲諫議大夫終戶部侍郎

同上

宋

瓊山縣志

卷二十二

官師三謫宦

七十八

李綱字伯紀邵武人政和二年進士宣和中金人渝盟欽宗受禪綱爲尚書左丞與耿南仲議不合徽宗南幸還京綱請防秋南仲阻之以綱主戰恐防和議遂罷綱金兵再至上悟和議之非召綱勤王未至而都城陷高宗卽位拜右僕射兼中書侍郎上十事擬姚崇要說力諍張邦昌僭逆罪不可赦請贈恤死義諸臣上從之尋爲黃潛善汪伯彥所譖落職徙萬安軍安置至瓊浹旬詔移雷州祀景賢祠

蕭志

趙鼎字元鎮解州聞喜人高宗三年六月霖雨詔言闕政鼎時爲司勳員外郎疏曰今日之患始

於安石成於蔡京而安石配享京黨未除朝政之缺莫大於此遂罷安石配享十一月自右司諫拜侍御史所言四十事施行者三十有六拜中丞平章事五年與張浚並爲尙書左右僕射六年十二月鼎求退浚總中外政多叢脞七年九月求去帝問誰可代者言及鼎浚曰得之復以鼎爲尙書左僕射八年十月戶部侍郎向子諲奏事久中書舍人潘良貴叱之退帝欲抵良貴罪中丞常同爲之辯並逐同鼎奏同與貴不宜逐帝不從由是出鼎知紹興府秦檜率宰執餞之鼎不爲禮一揖而去檜益憾之十年閏六

月貶清遠軍節度使潮州安置十四年九月徙吉陽軍謝表有曰白首何歸悵餘生之無幾丹心未泯誓九死以不移檜見曰此老倔强猶昔十七年八月卒鼎自安置來杜門謝事門人故吏不敢通問惟廣西帥張宗元時餽醪米檜聞之令本軍月具存亡狀鼎遣人語其子汾曰檜必欲殺我我死汝曹無患不爾禍及一家得疾自書墓石祀鄉里及除拜歲月且書銘旌云身騎箕尾歸天上氣作山河壯本朝遂不食而死明年得旨歸葬孝宗朝追封豐國公贈太傅諡忠簡祀景賢祠

同上

李光字泰發上虞人高宗朝參知政事紹興間秦檜主和議光斥之謫瓊州安置居八年仲于孟堅坐陸升之誣以私撰國史成獄呂愿中又告光與胡銓賦詩倡和議訓朝政移昌化軍論文考史怡然自適年逾八十精力不衰亭臺多所題咏後三年以郊恩復左朝奉大夫至江州卒孝宗朝復資政學士謚莊簡祀景賢祠同上

胡銓字邦衡江西廬陵人建炎二年高宗策士淮海見而異之將冠多士有忌其直者移置第五紹興五年除樞密編修官八年王倫使金偕虜使還以詔諭江南爲名中外洶洶上詔羣臣議

和金得失銓抗疏切直書上連遭貶竄時宜興進士吳師古鋟其書於木金人募之千金朝士陳剛中以啓事賀銓之謫皆坐流貶通鑑銓初謫福州再竄新州時州守張棣承秦檜旨論銓與客唱酬謗訕怨望詔送海南吉陽軍編管所居裴氏之廬卽趙鼎故寓先是銓在新州時嘗夢謁趙鼎又嘗夢見黎母山至是悉驗在崖日以訓傳經書爲事黎酋聞之遣子入學二十五年檜死量移衡州孝宗卽位召還蕭志隆興元年遷秘書少監擢起居郎嘗侍上於後殿內閣上曰卿流落海島二十餘年得不爲屈原之葬魚腹

者實祖宗天地留卿以輔朕也銓流涕答曰小臣三遷嶺海命出虎口豈期今日再見天日上亦收淚曰卿被罪許久可謂無辜天下知之不在多說乃就坐上曰卿向在海南爲詩必多答曰臣向居嶺海時日率作詩十數首初任福州簽判以詩詞唱和得罪故遷新州及居新州又以此獲譴復徙吉陽軍甚矣詩詞能禍人也既蒙錄用靜思二十年前爲之墮淚乾道七年除寶文閣待制留經筵求去上問今何歸銓曰歸廬陵臣向在嶺海嘗訓傳諸經欲成此書特賜通天犀帶以寵之銓歸上所著易春秋周禮禮

記解詔藏秘書省

宋史本傳

何興道州人理宗時朝議大夫直言敢諫遷政府

以丁大全譖謫瓊州

蕭志

明

薛顯蕭人趙均用據徐州以顯爲元帥守泗州均用死顯以泗州來降授親軍指揮鄧仲謙據新淦不下顯討斬之以功擢江西行省參政進行省右丞洪武三年冬大封功臣以顯擅殺胥吏獸醫火者馬軍及千戶吳富而數其罪封永城侯勿予券謫居海南分其祿爲三一以贍所殺吳富及馬軍之家一以給其母妻令功過無相



官師志四

流寓

隋

唐

宋

元

明

清

隋

楊綸隋宗室滕穆王瓚之子性宏厚解鐘律封邵國公煬帝時被誣怨望除名爲民謫始安是年帝親征遼東綸欲上表請從軍自効爲部司所遏末幾復徙珠崖及天下大亂爲賊林士宏所逼攜妻子竄儋耳後歸唐封懷化縣公

阮通志

唐

劉納言

新唐書作訥

精漢書學爲當時宗匠乾封中以漢書授沛王賢及賢爲皇太子累遷太子洗馬兼充侍讀嘗撰俳諧集十五卷以進太子及東

瓊山縣志

卷二十二

官師四流寓

八十三

宮廢高宗見而怒之詔除名後又坐事配流振

州而死

舊唐書本傳

胡元範申州義陽人文明元年徐敬業兵起太后召裴炎議事炎奏曰皇帝年長未俾親政乃致猾豎有詞若太后返政則此賊不討而解矣御史崔察聞而上言曰裴炎若無異圖何故請太后歸政乃命御史大夫鞠之鳳閣侍郎胡元範奏曰炎社稷忠臣有功於國悉心奉上天下所知臣明其不反太后不納光宅元年十月斬炎於都亭驛之前街元範坐救炎流死瓊州

舊唐書裴

炎傳

李靈夔高祖第十九子也垂拱四年與兄元嘉子黃公譔結謀欲起兵應接越王貞父子事洩配流振州自縊而死

阮通志

辜璣莆田人唐禮部尚書永貞元年撥遷瓊州任軍民指揮卜居東河湖上村因田禾傷旱勸民鑿井導泉灌溉至今東河人賴之

舊志

吳賢秀唐戶部尚書行實失紀明嘉靖戶部郎中名會期其後裔也

同上

宋

弭德超滄州清池人宣徽北院使兼樞密副使太宗下詔奪官職與其家配隸瓊州禁錮未幾死

瓊山縣志

卷二十二

官師四流寓

八十四

宋史本傳

王昇咸平六年遼師大入圍望都王超帥定州路行營與鎮州桑贊率兵赴之帥副王繼忠在陣東偏契丹出其背遮絕糧道人馬乏困繼忠馳前與契丹戰超贊遂旋師繼忠孤軍沒焉上卽遣劉承珪李允則馳往察退衄之狀且言李福王昇當戰先旋昇決杖配隸瓊州

宋史王超傳

劉昺字子蒙開封東明人元符末進士與王家交通事敗開封尹盛章議以死刑部尚書范致虛爲請乃長流瓊州

宋史本傳

陳好初名豪晉江人嘗受學於楊時後在太學與

陳東上書留李綱及東被誅遂變名遊瓊州家  
於蒼原子孫繁盛張志

張伯麟太學生嘗題壁曰夫差爾忘越王殺而父  
乎秦檜怒杖脊刺配吉陽軍阮志通

李孟博上虞人莊簡公光之子也苦學有文紹興  
五年進士第莊簡南遷隨侍至貶所遂卒於瓊

州同上

王廷珪安福人胡銓謫海南廷珪以詩送之曰癡  
兒不了公家事男子要爲天下奇蕭志

蘇軾字子瞻眉州人蔡汴論軾掌制詞譏斥先朝  
三貶至瓊州別駕昌化軍安置初至儋官室以

瓊山縣志

卷二十二

官師四流寓

八十五

居有司猶謂不可寓城東之天慶觀結庵桃榔  
樹下儋人運甕畚土助之獨與幼子過著書時  
從父老遊若將終身焉凡三年徽宗立移廉州

祀景賢祠阮志通

蘇過字叔黨軾子年十九以詩賦解兩浙路軾爲  
兵部尙書任右承務卽及軾貶儋州獨過侍行  
凡生理晝夜寒暑所須者一身百爲不知其難  
初至海上爲文曰志隱軾見之曰吾可以安於  
海島矣因命作孔子弟子別傳其颶風賦早傳  
於世叔轍每稱過之孝且言吾兄遠居海上惟  
成就此兒後復著斜川集二十卷同上

周秀梅宋翰林學士高宗時同子榜昌大理寺評事避難來瓊卜居東洋文山村子孫繁衍科甲

綿長稱巨族云

舊志

元

文宗武宗次子名圖帖睦爾英宗時爲親王丞相鐵木迭兒懷私固寵搆釁骨肉以咬住告出居海南晉王立召還封懷王居建康晉王崩燕帖木兒迎王於江陵襲帝位

撒迪從文宗於潛邸又隨召回建康尋以海北憲僉按瓊文宗立爲治書侍御史以從龍之舊賜鹽引六萬贍其家順宗朝爲平章政事時燕帖木亦從於瓊後召拜相

瓊山縣志

卷二十二

官師四流寓

八十六

王仕熙綱目仕作士字繼學北海東平人晉王朝參政

致和戊辰秋燕帖木兒謀逆執仕熙下獄迎懷王入京九月流吉陽軍與侍御史濟寧邱世傑同渡海世傑流萬安軍明年天曆己巳至郡守聞仕熙來先爲營居城中及至惡其完美乃於城西陋地茅屋借居之名曰水北新居又於旁西南數十步築江亭爲遊息地嘗作雲山辭曰山氛氲兮出雲又冷冷焉以雨條日出兮雲飛山青青兮極浦橫浮雲兮水粼粼搴杜若兮采白蘋葺荷宇兮桂爲棟臨江皋兮悵懷人每靜

住一室累日不出中庭郡人士及吏卒相接者甚加禮貌屢爲縣尹陳元道所侮優禮之不校郡縣時政利害未嘗出諸口非公事及宴請不苟出惟劬書酷詠爲娛恬然不見其去國之意遠近皆敬愛得其文字珍藏之後居瓊冬初許歸出里明年春寧宗立與世傑同得旨還壬申

六月復錄用

阮通志

月魯帖木兒致和元年河南行省平章伯顏矯制起月魯帖水兒爲本省參知政事其議起兵月魯帖木兒固辭曰皇子北還問參政受命何人則將何辭以對伯顏怒丞相別不花亦與之有

瓊山縣志

卷二十二

官師四流寓

八十七

隙乃謫月魯帖木兒乾寧安撫司安置至順四年移置雷州

元史本傳

懿憐眞班

府志作亦憐眞班

西夏人剛正有禮法歷事仁

宗英宗文宗順宗四帝丞相伯顏專擅疾之以翰林學士出爲江南行臺御史大夫尋殺其子答里麻而謫置海南伯顏敗乃還

元史本傳

明

汪廣洋字朝宗高郵人累官江西參政入爲中書省參政出參政陝西洪武三年召爲右丞爲左丞楊憲所忌嗾御史劾廣洋奉母無狀帝切責放還鄉憲再奏徙海南憲誅召還

明史本傳

薛祥字彥祥無爲州人洪武八年授工部尙書明年改天下行省爲承宣布政司以北平重地特授祥三年治行稱第一爲胡惟庸所惡坐營建擾民謫知嘉興府惟庸誅復召爲工部尙書明年坐累杖死天下哀之子四人謫瓊州遂爲瓊山人孫遠正統七年進士

參明史稟

楊升字起宗永嘉人洪武間寓瓊三十餘年通春秋博洽能文郡縣諸家撰述多出其手舉臨高校官後以老謝政與郡守王伯貞友善嘗改蔡正菴瓊海方輿志文行冠一時年八十八終

郝通

志

## 瓊山縣志

### 卷二十二

官師四流寓

八十八

康鑑蘄州人父茂才元末結義旅以捍衛本州官宣尉使都元帥洪武克金陵率部兵三千解甲來附從征十餘年累立大功追封蘄國公子鐸襲封蘄春侯絕鑑以庶子襲指揮洪武十九年爲事發雲南金齒衛充軍明年召還以風顛廢職給賜奴李馬兒等九十四名海南衛安置後裔籍瓊山之官隆

蕭志

穆惟敬汴人洪武初監察御史以謗謫戍海南衛李安仁山東人亦以監察御史謫瓊州

解縉字大紳吉水人洪武戊辰進士永樂初召縉備顧問累遷侍講學士直文淵閣預機務寵信

賞賚有加進翰林學士兼春坊大學士未幾交  
趾用兵縉疏諫成祖不悅遂疏之出爲廣西參  
議經廣東遍遊名山淹留浹旬嘗至西樵題廖  
謹讀書處郝通志過臨高爲縣丞陸昇題雪冤致  
雨卷廣西通志李至剛劾其怨望恣遊改交趾八年  
入奏事南都值北征漢王高煦素怨之誣奏下  
獄卒郝通志

王直洪武永隨父伯貞來學郡齋幼好遊賞民有  
張思惠者每登臨必與之時郡俗村落鹽蛋小  
民家婦女多於月明中聚紡號曰紡場直爲思  
惠所導亦遍遊觀因作紡場賦黃通志

瓊山縣志

卷二十二

官師四流寓

八十九

崔永海鹽人母韓氏隨繼父謫海南永徒走求其  
母時繼父已歿有司以配屬不許歸永號泣請  
於朝許之遇風舟覆永入水負母因感疾卒江  
西省臣以聞詔賜祭葬給驛舟歸其母永數往  
返廣海間人皆以孝子稱之郝通志

徐益字咨益豐城人洪武間從父戍瓊博通經史  
尤長詩賦爲鄉校師尙書薛遠輩皆出其門與  
王霜筠楊行素朱四吟等相友善王霜筠有詠  
史詩行世益嘗爲之校正云

吳均字平仲臨川人朱繼字伯紹莆田人鄭觀字  
尙寶三山人洪武末俱寓瓊州從學於趙考古

先生俱擢高第俱同上

梁良玉定海人建文中官中書舍人建文亡變姓

名走海南鬻書以老阮通志

鐵仲名鄧人子鉉建文初爲山東參政燕兵攻德州遂攻濟南鉉乘城守禦凡三閱月卒固守不能下帝聞大悅遣官慰勞賜金幣封其三世擢山東布政使進兵部尙書盛庸爲平燕將軍命鉉參其軍務四年燕兵渡江鉉屯淮上兵潰燕王卽位執之至反背坐廷中謾罵令其一回顧終不可遂磔於市年三十七時仲名年八十三與妻薛竝坐累安置海南明史鉉傳

瓊山縣志

卷二十二

官師四流寓

九十

唐益

原志作薦益

字損之慈谿人博學多能景泰間以

教授同汪洋伍宗德配瓊天順初釋歸蕭志

汪廷貞湖廣石首人爲鹽課提舉公寓海外瓊郡立沿海諸場社學以教俊秀其在小英者曰樂古書院置義產爲諸生膏火專使延請新會陳獻章主講以老病辭因復書致意廷貞錄書刻石於小英築一亭名曰懷沙據懷沙亭碑今祀陳先生於樂古書院以汪公配之採訪冊

莊維春閩人年十三時父官瓊州維春往省之將抵海陬作詩曰十里至海路已絕四面無村人獨行百夢不能一到此雙親猶自隔蓬瀛後官

至豫章太守阮通志

艾璞字德潤南昌人幼警敏擅文名登成化辛丑進士授兵部主事累官都御史巡撫蘇松諸郡所至有聲嘗奉建儲詔使朝鮮歸橐蕭然詔求直言首陳慎修德等六事又陳聖政等四事皆人所難言有勲戚家與無錫民爭田璞承勘廉得其情悉歸之民勲戚家行賕逆瑾中主復勘使者承風旨劾前勘非實瑾矯旨逮獄訊之不屈箠杖幾死徙家海南爲編氓瑾誅奏詔還官□仕時言者交薦之未及用而卒阮通志

連盛永年人兩淮鹽運使張瓚化直隸人兩淮鹽

瓊山縣志

卷二十二

官師四流寓

九十一

運同正德中均以忤劉瑾謫瓊州蕭志

清

楊纘烈潮州人纘緒之弟乾隆初主講蘇泉書院勤於講解嚴立課程教人讀書以四書爲主其餘經史必約之以四書然後爲有用士多從之嘗登明昌塔有記云中秋前三日武溪馮愧齋元侗瓊臺邱衡之璣二明經邀余遊大悲閣閣離書院二里許閣後一塔巍然名明昌則浮粟泉亭所日夕瞻眺者也出書院折而東行不數武衡之指謂予曰蘇公雙泉故跡一在書院一在此坡之麓田塍間幼時及見豐碑穹隆大書

蘇公雙泉之一字樣去浮粟泉咫尺地耳井渫不食日就淤塞今則碑石亦摧斷不復見矣易曰時舍洵可測夫將抵閣過一畧約愧齋曰予得句矣紆廻竹逕橋通寺予應聲曰徙倚泉亭塔對門衡之曰邑誌塔爲萬厯間郡伯涂公文奎邑人給諫許公子偉糾鄉士夫共建者也愧齋曰子聞志載海忠介公春日同許給諫諸文學登明昌塔絕頂詩乎遂朗誦曰縹緲丹梯此共登側身雲壑擬飛騰天連滄海孤懸嶼人立青霄最上層望氣幾年逢尹喜傳衣何處是盧能摩空捧日屬吾黨雁塔龍門次第升予曰此

詩不類必爲好事者僞託未幾僧法空道迎進閣閣前後兩座各三楹氣象光潔花木清幽頗有靜致茶畢予與衡之轉出閣後攝齊登塔之第一級四而瞻眺心目曠怡忽海風怒吼絺綌淒其凜不可當乃亟下仰視正南塔門橫嵌一石鐫明昌塔三大字左記萬厯三十八年歲在庚戌季冬吉日右刻瓊州府知府翁汝遇同知某通判某推官某鼎建共三十九字正北一石年月與正面同正西一石左記萬厯二十五年歲在丁酉孟冬吉日右刻瓊州府李多見同知某通判某推官某鼎建皆共三十九字正東一

石僅存萬曆四丙申肇基七字其四字之上下皆模糊不可識右邊依稀文奎二字予謂衡之曰修邑乘者曷不據此且計建塔費不下萬金僅此一片石載年月姓名不別立碑作記誇張豪舉此前輩古道可法處也既而風定復登塔故七級八觚每級皆歎橫石八方各有題識及姓名大抵李翁同時人登至絕頂第七級有鐵柱一字多剝蝕第一行爲吏科左給事中臣許子偉拜手十二字第二行爲太祖高皇帝稱南溟竒甸十字餘語似贊似銘總不及建塔原委其末一行爲龍飛萬曆二十七年己亥辛未月

甲辰日鑄十七字至是全塔有字之石皆竭目力細辨之矣雖當登高無暇望遠每降一級命從人持筆研或備或殘鈔所可辨嗣是寺僧具齋畢徐步踏夕陽歸舍去故逕登平隴周望海山斜暉暮煙竹樹秋色蒼然就淺草塊莽中隨意闢蹊而行仍俛二先生小憇書院瀹茗取架上郡邑志參考之按邑乘載建塔爲涂許二公考府志涂卒於瓊任繼之者爲李公多見歷具公尚友倪公凍卽爲翁公汝遇皆不載歷任年月涂無傳李翁二傳不載建塔之事當是載筆者簡畧抑善政有在塔固無關於輕重歟獨怪

許給事傳生平義舉一一詳記何以竟無一語道及協力建塔一事再考海公於明世宗朝以戶部主事建言忤旨下詔獄穆宗立詔復其官改大理擢僉都御史巡撫應天尋棄官歸里閱十五年起用南僉都御史是爲萬曆十三年乙酉游歷吏部右都御史掌南院越二載丁亥卒於官而許公於前一歲丙戌始成進士詩題何以遽稱同許給諫耶衡之曰海公墓碑現鐫護喪行人許某夫考古之學以金石文爲覈今據塔額年月由丁酉逆數至丁亥海公卒已十年由丁亥順數至庚戌海公卒已二十有四年矣

乃不悟登塔詩題爲僞而登之藝文而謂珥筆纂修者果足傳信否耶總之此塔之建涂與許或並有椎輪之功而實資李公經營復賴翁公而後合尖則確無可疑修志者獨歸之涂許疎漏已多至於海公在乙酉以前逍遙林下有可登塔之日修志者於此得毋蒙檮昧之嘲歟二先生皆首肯口然於時椰葉徐鳴月色如霜愧齋援洞簫奏水龍吟一弄別去

舊志

吳光昇號集潭浙江人乾隆辛酉舉於鄉計偕遊京師館於朱氏時太傅朱文正公珪及兄垣筠皆受業焉學問淵博淹貫經史識力精卓賞鑒

無差丙戌丁亥間巡道王錦延請來瓊主講瓊臺書院日與諸生課文論詩口講指畫娓娓不倦刻有瓊臺書院課藝至今傳誦焉一時名士多出其門科甲彬彬稱盛以巡道去任還京士林欽其教澤設主祀於瓊臺耆院

張志

邱對勤字雨田潮州大埔縣人舉人學問淵博出入漢魏六朝所爲詩古文辭氣息深厚久爲名流激賞顧學使元熙當代文宗按試潮州時取錄古學稱其格律唐賢氣韻沈鬱刻入校士傳誦當時自以此才名大噪嶺南古學者無不以此事推袁移家來瓊占籍瓊山主講瓊臺書院講席數年一時才

俊俱出其門凡宦瓊文人多投詩相質倡和聯和傳爲韻事子景清從弟對欣同科選拔對欣又連捷進士皆其家學教育所成就一家詞賦累代科名近世罕比著有雨田詩集六卷手自編定文集四卷

沈史雲字少韓番禺翰林因省城失守避亂來瓊流寄海門宏獎風流與游皆一時名士譚藝論文無虛日馮耿光王龍章兩拔貢俱從問字楊騰章黃琮潤二茂才書法冠當時亦從之評碑論古深相結契當道延請主雁峯書院講席堅辭不居時論高之

王伯良河南人由進士籤掣廣東初署徐聞乘與赴任廉介風厲以伉直忤上司未久去任郡守丁浩欽其才學聘主蘇泉書院講席與諸生談經論文終日不倦編學規二十條數萬言讀書作文之法無一不詳當時稱爲海外路閩生從游者講舍不能容愛恤寒畯常與諸生共食布衣芒屨有東坡笠屐遺風惜不數月卒於講院士林哀悼設主祀於蘇泉

郭傳璞字晚香晚號金峩居士浙江觀縣人咸豐辛酉拔貢本科舉人枕葑經史嗜詩古文詞博雅淵懿追古作者朱道采創建五公精舍以經史詞章

課士聘主講席傳璞渡海來瓊攜書萬卷自隨所刻金峩山館叢書分給諸生皆表章江浙先哲未刻之遺稿海外得見其書珍同拱璧又在瓊刻賞雨茅屋外集金峩山館駢文以示諸生主講二年士論翕然稱之卒於講院年七十五